

爾雅正義

爾雅正義卷第十七

淵閣校印 補加二級教習庶吉士充國史館纂修官邵晉涵撰集

釋名第十六

正義

庖犧氏之王天下也作結繩而

為書以田以魚維時粒食未登先奏
鮮食所別九州任土作貢青州海物惟錯徐州
蠃珠璆魚揚州厥篚織貝澤國之利既開水族

之類九雜辨其物生則地官大司徒上合之法

所謂川澤宜鱗物墳衍宜介物也登取以時則

天官鼈人所謂春獻鼈鼈秋獻龜魚也用之祭

祀則取諸備物天官庖人鄭註謂若荊州之鱧

魚青州之蟹胥皆共祭祀之好羞也用諸飲食

月令所謂食麥與魚內則所謂魚宜菰是也數

罟不入長育以時則不可勝食荀子富國篇云

鼃鼃魚鼃鰕鱣以時別一而成羣楊倞註云一

而成羣言每一類皆得成羣也魚類既多故爾

雅分釋其名以其為蟲類故在釋蟲之後說文

云魚水蟲也魚種善變論衡無形篇云禮曰水
潦降不獻魚鼈何則雨水暴下蟲蛇化為魚鼈
離本真暫變之蟲臣子謹慎故不敢獻此篇於
小大之異名俯仰之狀與夫種類之異者晰而
別之俾人不以暫
變者失其本真也

鯉註今赤鯉魚鮓音鱣大魚似鰻而短鼻口在頷下體

有邪行甲無鱗肉黃大者長二三丈今江東呼為黃

魚鰻註今鰻額白魚鮓註別名鰻江東通呼鮓為鮓

鰻註鮓也鮓註今鮓魚似鰻而大正義小雅云魚麗

麗于罾鰻鮓說文云鯉鮓也鮓鯉也毛傳云鰻鮓也
詩疏引舍人云鯉一名鮓鮓一名鮓孫炎謂鰻鮓一
魚鮓鮓一魚是皆謂爾雅釋二名以鮓釋鯉以鮓釋
鰻以鮓釋鮓也郭氏分為六物得諸時驗不從先儒

舊說詩疏又引郭氏音義云先儒及毛詩訓傳皆謂此魚有兩名今此魚種類形狀有殊無緣強合之爲一物以今驗之郭註信有徵矣或疑爾雅單列六物與前後訓釋之體不符案荀子正名篇云單足以喻則單單不足以喻則兼楊倞註單物之單也兼復名也良以此六物人所易喻故爾雅單舉之無俟兼名訓釋陸德明謂目驗毛傳與世不協從郭註是六魚之名也註今赤鯉魚。正義陳風衡門云豈其食魚必河之鯉今鯉處處有之出黃河者特肥美月令孟春之月獺祭魚呂氏春秋高誘註云獺取鯉魚置水邊四面陳之世謂之祭魚爲時候者淮南時則訓註與呂氏春秋同圖經本草云其鰓鱗一道從頭至尾無大小皆三十六鱗每鱗有小黑點。鱣大至黃魚。正義衛風碩人云鱣鮪發發疏引陸璣疏云鱣鮪出江海三月中從河下頭來上鮪身形似龍銳頭口在頷下背上腹下皆有甲縱廣四五尺今於盟津東石磧上釣取之大者千餘斤可烝爲臠又可爲鮓魚子可爲醬案鮪魚今遼海及江河皆有之郭註山海

經云鰓魚大魚也口在頷下與此註同也云似鰓而短鼻者釋文引字林云鰓長鼻魚也重千斤鰓魚似之也云無鱗肉黃者淮南汜論訓云牛蹏之涿不能生鰓鮪高誘註云鰓大魚長丈餘細鱗黃首白身短頭口在腹下今鰓魚無鱗高註誤以為細鱗其言黃首白身者是也鰓之小者近百斤大者長二三丈郭氏江賦謂之王鰓矣江東呼為黃魚至今猶然亦呼為鰓鰓魚劉達蜀都註謂之鰓鰓。今鰓額白魚。正義周頌潛云鰓鰓鰓鰓釋文以為鰓即白魚也今白魚生江湖中色白頭昂大者長六七尺。別名至為鰓。正義廣雅云鰓鰓鰓也羅願云鰓魚假額兩目上陳頭大尾小身滑無鱗謂之鰓魚一名鰓魚善登竹以口銜葉而躍於竹上大抵能登高其有水堰處輒白下騰上愈高遠而未止諺曰鰓魚上竹謂是故也。鰓也。正義魚麗毛傳云鰓鰓也鰓亦作鰓音義同太平御覽引陸璣疏云似鰓狹而厚則鰓與鰓為二魚也案說文云鰓鰓也本草云鰓魚一名鰓魚陶註云今皆作鰓字舊言是公薑蛇所變然亦有

相生者是鱧卽鮓也羅願云鱧魚圓長而斑點有七點作北斗之象。今鮓至而大。**正義**陳藏器本草云鮓魚生江湖中似鯉今鮓魚其形長身圓肉厚俗謂之草魚以其食草也

鯊鮓註今吹沙小魚體圓而有點文**正義**詩釋文引舍人云鯊石鮓也小

雅云魚麗于留鱗鯊毛傳云鯊鮓也疏引陸璣疏云魚狹而小常張口吹沙故曰吹沙**註**今吹至點文。

正義後漢書註引廣志云吹沙大如指沙中行太平御覽引臨海異物志云吹沙長三寸背上有刺犯之

整人是吹沙爲小魚也詩釋文云體圓而有黑點文本於郭註也釋文又云鯊亦作魛蜀都賦註云魛似

魛羅願云今人呼爲重唇厚特甚有若鼃鼃故以爲名今江南小谿中每春鯊至甚多夏則隨水下

鮓黑鮓註卽白鯊魚江東呼爲鮓**正義**鮓一名黑鮓周頌潛云鯊鮓鯉毛

傳云鯊白鯊也鯊鮓聲相近鮓卽鯊矣羅願云其形纖細而白故曰白鯊又謂白鯊江東呼爲鮓此魚好

游水上故莊子觀於濠梁稱儵魚出游從容以為魚樂明遂其性也

註

今白至為鮒

正義

玉篇云鮒或

作鮒白儵易識之魚而玉篇以為似雞六尺四目與郭異

鮒鮒註

今泥鮒

正義

鮒一名鮒莊子庚桑楚云尋常之

魚生於江海者皆長大其在泥中者名鮒埋雅引孫炎正義云鮒尋也尋習其泥厭其清水

註

今泥鮒

正義今俗語呼為泥鮒長三四寸伏於泥中首銳而

身青黑無鱗以涎自染釋文引字林云似鰕短小是也一名委蛇莊子達生篇養鳥者食之以委蛇司馬彪云委蛇泥鮒

鰕大鰕小者鰕註

今青州呼小鰕為鰕

正義

此釋鰕魚

大者名鰕小者名鰕今鰕魚之大者狀類蝮蛇腹背有鬚連尾無岐形與常見之鰕有異

註

今青至為鰕

正義郭引時諺以鰕即鰕也今人於鰕之小者亦呼為鰕魚

魷大魷小者魷註

魷似鮎而大白色

正義說文云魷大魷也其小者名魷

本草陶註云魷即鮎也魷似魷而大陳藏器以魷即

魷魚生海中大如石首作胎如雪註魷似至白色。

正義北山經云洧水東流注於河其中有魷

而郭氏彼註云魷似鮎而大色白與此同

鯢大鯢註

鯢大者出海中長二三丈鬚長數尺今青州

呼鯢魚為鯢

正義鯢多鬚善游而善躍其大者名鯢註鯢大至為鯢。正義

義鯢之大者今謂之海蝦亦謂之紅蝦北戶錄云滕

惲為廣州刺史客語惲曰蝦鬚有一丈者堪拄杖惲

不信客去東海取鬚四尺以示惲方服其異案尚書

大傳云東海魚須鄭註魚須今以為簪水生不測魚

須為簪蝦須為

杖無足異也

鯢魚子註

凡魚之子總名鯢

正義鯢為魚子亦名為鯢齊風敝笱云其魚魴鯢鄭

箋云鯢魚子也古音鯢鯢同故字亦通用魯語云魚
 禁鯢鯢韋昭註云鯢魚子也鯢未成魚也古者立夏
 水蟲懷孕之時禁魚鼈之罔所以蕃庶物也然魚易
 生子大寒降取名魚亦有懷子者則以魚子為醬內
 則云濡魚卵醬實蓼鄭註云卵讀為鯢鯢魚子或作
 攔也用醬各有所宜濡魚則宜於鯢為醬也註凡魚
 至名鯢。正義詩疏引李巡云凡
 魚之子總名鯢也郭註本李巡

鯢是鯢註

鯢鰾屬也體似鰾尾如鮪魚大腹喙小銳而

長齒羅生上下相銜鼻在額上能作聲少肉多膏胎

生健啖細魚大者長丈餘江中多有之

正義鯢一名是鯢玉篇云

鯢魚名似鰾也類篇云胎生鼻長丈註鯢鰾至有之
正義鯢為鰾屬者今鰾魚青目赤鰾背上有鬣腹
 下有翅大者尾長數尺云體似鰾者說文云鰾魚也
 傳曰伯牙鼓琴鰾魚出聽淮南說山訓作淫魚出聽

高誘註云淫魚喜音出頭於水而聽之淫魚長頭身相半長丈餘身正白身正黑口在頷下似兩獄魚而身無鱗出江中也尾如鮪魚者說文云鮪魚也出樂浪潘國一日鮪出九江有兩乳郭氏舉其類以相證明是為啖細魚之大魚也

鮪鮪魚鮪家語曰其小者鮪魚也今江東亦呼魚子未

成者為鮪正義小魚名鮪是鮪鮪之類也註家語至

為鮪鮪其小者名鮪郭引之以證鮪為小魚也

鮪鮪鮪鮪鮪屬也大者名王鮪小者名鮪鮪今宜都

郡自京門以上江中通出鮪鮪之魚有一魚狀似鮪

而小建平人呼鮪子即此魚也正義鮪一名鮪鮪詩

釋文引沈旋集註以

爲江淮間曰叔伊洛曰鮪海濱曰鰩一物三名非也
鮪魚味美應時而至故古者重之夏小正云二月祭
鮪祭不必記記鮪何也鮪之至有時美物也鮪者魚
之先至者也而其至有時謹記其時天官獻人春獻
王鮪周頌序云潛季冬薦魚春獻鮪也鄭箋云冬魚
之性定春鮪新來薦獻之者謂於宗廟也月令季春
之月薦鮪於寢廟高誘曰氏春秋註云鮪魚似鯉而
大詩曰鮪鮪潑潑案說文作鮪鮪潑潑今毛詩作鮪
鮪發發說文繫傳引作鮪鮪潑潑鮪大魚宜其所
至有聲矣**註**鮪鮪至魚也○**禮記**疏引郭景純
云似鮪而小建平人呼鮪子一本云王鮪似鮪口在
頷下音義云大者爲三鮪小者爲鮪鮪似鮪長鼻體
無鱗甲据孔穎達所引郭註在唐初已有二本矣今
本復與孔所引者互有詳畧也詩疏引陸璣疏云鮪
魚形似鮪而青黑頭小而尖似鐵兜鍪亦在頷下
其甲可以序齒大者不過七八尺益州人謂之鮪鮪
大者爲王鮪小者爲鮪鮪一名鮪肉色白味不如鮪
也今東萊遼東人謂之尉魚或謂之仲明仲明者樂

浪尉也溺死海中化爲此魚案尉化爲鮪此流俗傳
會之談陸氏遠之好奇之過也陸璣又云河南鞏縣
東北崖上山腹舊說云此穴與江湖通鮪從此穴而
來北入河西上龍門入漆沮故張衡賦云三鮪岫居
山穴爲岫謂此穴也案鮪穴之說相傳有之李奇漢
書註云周洛曰鮪蜀曰鮪鱗山鞏縣穴中三月遡河
上能度龍門之浪則爲龍矣高誘註淮南汜論訓云
鮪大魚長丈餘仲春二月從西河上得過龍門便爲
龍又修務訓註云龍門本有水門鮪魚游其中上行
得過者便爲龍故曰龍門水經註亦云鞏縣北有山
臨河其下有穴謂之鞏穴言潛通淮浦北達於河直
穴有渚謂之鮪渚成公子安大河賦曰鮪鯉王鮪暮
春來遊皆可與陸疏相證也郭云京門以上江中通
山鮪鮪之魚卽水經註所云漢水又東爲鮪湍矣晉
宜都郡今爲湖北宜昌
府建平郡今爲施南府

鮪當鮪註

海魚也似鰕而大鱗肥美多鯁今江東呼其

最大長三尺者為當魴

正義 鯪一名當魴說文云鯪當互也類篇云鯪或作魴

海魚至當魴○**正義** 如郭氏所說形狀即後世所謂魴魚也魴之名因鯪鯪而聲轉詳見下

鯪刀

註 今之鯪魚也亦呼為魴魚

正義 鯪一名鯪刀鄭註天官鼈人謂

鯪刀含漿之屬為狸物賈疏云鄭意以鯪刀為一物含漿為一物孫氏註爾雅刀魚與鯪別非鄭意也

今之至魴魚○**正義** 說文云鯪飲而不食刀魚也九

江有之南山經云浮玉山出於其陰其中多

鯪魚郭氏彼註云鯪魚狹薄而長鬚一名刀魚太湖

中饒案鯪魚即今魴魚也細鱗白色吻有二鬚腹下

有角刺利若刀矣肉多細刺人炙食之南方謂之江

魴其出有時以三月中汭流而上郭氏江賦所謂鯪

順時而

往還也

魴魴

註

小魚也似魴子而黑俗呼為魚婢江東呼

為妾魚

正義 魮魮一名魮魮羅願云魮魮似魮而小黑色而揚赤今人謂之旁皮魮註小魚至妾

魚。○**正義** 廣雅云魮魮也今謂之魮魚魮魮又似魮而小者耳羅願云又謂之婢妾魚蓋其行以三為率

一頭前行兩頭從之若婢妾之狀故以為名

魚有力者微註强大多力

正義 大魚之有力者統名為微劉達吳都賦註云微鯨魚

之有力者也魚大者莫若鯨也案劉達舉鯨以實之然爾雅祇言魚有力者不定為一物也

魮魮註

出穢邪頭國見呂氏字林

正義 魮一名魮玉篇以魮為魚名是也太

平御覽引廣志云斑文魚出濊國獻其皮魏畧云濊國出斑魚皮漢時恒獻之是其類也註出穢至字林

○**正義** 說文云魮魮出穢邪頭國字林本說文案釋文引郭云魮魮小魮別各與此異

魮魮註

似魮子赤眼

正義 魮一名魮幽風云九罭之魚魮魮毛傳以為大魚也說文云魮

赤目魚也。埤雅引孫炎正義云：鱒好獨行。**註**似鱒子赤眼。○**正義**太平御覽引陸璣疏云：鱒似鱒魚而鱗

細於鱒，赤眼多細文。羅願云：鱒魚目中赤色一道橫貫，瞳魚之美者。今俗謂之赤眼鱒，食螺蚌。

魴**魴****註**

江東呼魴魚爲魴，一名魴。**正義**汝墳云：魴魚魴尾，後

漢書註引薛夫子章句云：魴赤也。魚勞則尾赤，君子

勞苦則顏色變易。左氏哀十七年傳云：如魚魴尾，橫

流而方。羊詩疏引鄭氏云：魚肥則尾赤。說文云：魴赤

尾魚也。以今驗之，魴魚色青白，其尾不赤。言魴尾者

以其勞而變色耳。故毛詩傳及杜預集解詩疏引服

虔註左傳疏引鄭衆註並以爲魚勞則尾赤也。魴與

鯉皆魚之美者。故陳風衡門云：豈其食魚必河之魴

內則云：魴鱸蒸。蓋蒸而熟之，以爲珍膳矣。詩疏引陸

璣疏云：魴今伊洛濟潁魴魚也。廣而薄脆，甜而小肉

細，鱗魚之美者。遼東梁水魴特肥而厚，故其鄉語曰：

居就糧，梁水魴是也。**註**江東至名魴。○**正義**今魴魚

穹脊博腹而頭項縮小，後世所謂縮項魴也。說苑陽

畫曰夫投綸錯餌迎而吸之者陽橋也其為魚也薄而不美若亡若存若食若不食者魴也其為魚也博而厚味是古以魴為難得之魚矣今所在有之以出漢水中者為勝

鰲鯨

註未詳

正義廣雅云魴鰲釋文引埤蒼云鰲鯨魴名鰲鯨也廣韻以鯨為鰲更無所据全祖望云即魴魚也粵諺曰三鰲不上銅鼓灘謂粵魴不過潯州也

鰲鯨與魴古音相通魴音近鯨全說為得之今魴魚似魴而長色白味腴肉多細刺與郭氏釋當魴之形狀相合是當魴即魴魚之大者矣類篇云其生有時吳人以為珍

蜎

註井中小蜎

赤蟲一名才了廣雅云

正義

蜎一名蜎水中

小赤蟲之無足者也莊子秋水篇云還蜎蜎與科斗釋文云蜎井中赤蟲也一名蜎**註**井中至雅云○**正義**廣雅云才了蜎說文云才無右臂也才無左臂也蓋此蟲無足似人無左右臂故蒙此名矣亦謂之

蛭蛭與了下同音也淮南說林訓云了了為蟲衆
經音義引通俗文云蛭化為蟲是了了即蛭也

蛭蛭今江東呼水中輕蟲入人肉者為蛭正義說文

曰蛭玉篇云蛭水蛭也蛭有生於草中泥中者故見
釋蟲然多生於水中者是為魚類也賈誼書春秋連
語云楚惠王食寒菹而得蛭遂吞之是久也惠王之
後而蛭出其久病心腹之積皆愈論衡云蛭食血之
蟲惠王殆有積血之疾故食食血之蟲而疾愈也註
今江至為蛭正義蛭入人肉而啞其血多生水田
耘者苦之治之以鹽滿本草謂之水蛭
一名馬蛭一名馬者今俗謂之馬蛭

科斗活東註蝦蟆子正義科斗一名活東釋文引舍人
本作穎東山海經謂之活師東山

經云崑山下有金湖水出焉東流注於食水其中多
活師郭氏彼註云科斗也古今註云一名懸針一名
元魚因其形以為名也註蝦蟆子正義釋文引樊
光孫炎云蟾諸子也郭以為蝦蟆子以蟾諸與蝦蟆

同類也顏師古急就篇註云科斗卽蝦蟇所生子也未成蝦蟇之時身及頭並圓而尾長漸乃變耳案今所在水中有之春月之暮蝦蟇聒鳴科斗乃生圓首黑體垂尾如丁漸乃生足復蝦蟇之形矣

魁陸註本草云魁狀如海蛤圓而厚外有理縱橫卽今

之蚶也

正義魁一名陸卽魁蛤也古者取其灰以爲飾土冠禮云素積白屨以魁柎之鄭註魁屋

蛤柎注也賈疏云魁蛤之灰注其上使色白也說文

云魁蛤一名復累老服翼所化**註**本草至蚶也○**正**

義本草云海蛤一名魁蛤別錄分爲二云魁蛤一名

魁陸生東海正圓兩頭空表有文取無時陶註云形

似紡軋小狹長外有縱橫文理云是老蝙蝠化爲也

案蝙蝠名服翼詳見釋鳥蝙蝠老而化魁蛤猶賓爵

化爲蛤矣卽今之蚶者釋文引字書云蚶蛤也出會

稽可食嶺表錄異云瓦屋子南中舊呼爲蚶子以其

殼上有稜故名焉殼中有肉紫色而滿腹廣人尤重

之蚶之形狀畧如錄異所言然今浙東常有之不爲

異也。蚶之大者為洪蚶。江賦所謂洪蚶專車也。李善註引臨海水土記云：蚶徑四尺，背似瓦，堊有文。

蝓 **蛭** 未詳

鼃 **鰐** **蟾** 諸註似蝦蟆居陸地淮南謂之去蚊在水者

註 耿也似青蛙大腹一名土鴨正義此別蝦蟆之類也。蝦蟆之大

而皮醜者名蟾諸一名鼃。鰐說文云：先鼃居諸也。其鳴居諸其皮鼃鼃其行先夫鼃或作鰐又云：鰐鰐居諸也。詩曰：得此鰐鰐言其行鰐鰐太平御覽引韓詩云：得此威施薛君云：威施蟾蜍喻醜惡也。今蟾諸之狀誠為醜惡矣。然古者以為異物之貢尚書大傳云：濟中居諸鄭註居諸鰐鰐也。或水中居諸有異於陸地者矣。文子上德篇云：蟾諸辟兵壽。盡五月之望。今人以五月五日取蟾諸猶沿古制。在水者鰐。蝦蟆之類在水而大腹者名鰐。秋官蝓氏掌去蝓。鄭註云：鰐耿也。鼃與耿鰐尤怒鳴為聒人耳去之。

註

似蝦至去蚊。正義衆經音義引郭註云似蝦蟇居陸地淮南謂之去蚊山東謂之去蚊江南呼蟾蟾疑今本註有闕文或郭氏音義之文也陶註本草云蝦蟇是腹大皮多疥癩者也唐諸似之易疏引子夏傳謂井中蝦蟇呼爲鮒魚此卽莊子所謂罔非之鼃非信諸也禮記疏引李巡註以蟾諸卽蝦蟇與郭義異。取地至土鳴。正義陶註本草云蛙有大而青脊者俗名土鴨其鳴甚壯是也其小而善鳴者爲青蛙雷之屬考工記所謂以脰鳴者也

蛙

今江東呼蚌長而狹者爲廉

也。正義說文云廉陛

陛今作蛙隸體增加字也天官鼈人之職祭祀共廉羸蜥以授醢人醢人共饋食之豆旣夕禮東方之饋有廉醢後鄭註並以廉爲蚌也。正義今江至爲廉。正義鄭司農謂廉蛤也賈疏遂以蚌蛤爲一物淮南道應訓云食蛤梨高誘註蛤梨海蚌也說文繫傳以爲鮒卽廉也以今驗之蚌有狹而長者俗呼爲蠃子卽

蛭也玉篇以蛭為蚌之長者是矣

蚌含漿

註

蚌即蜃也

正義

蚌一名含漿鄭註天官鼈人

漿故有含漿之名矣大戴禮記易本命云蚌蛤龜珠與月盛盈虛辨註云月者太陰之精故龜蛤之屬因之以盛虧呂氏春秋日月望則蚌蛤實月晦則蚌蛤虛孝經援神契日月虧于天則陰類消于淵也

註蚌即蜃也。

正義說文云蚌蜃屬又云蚌蚌也漢律會稽郡獻鮓醬三斗漢書地理志云會稽郡鄞有鮓埼亭顏師古云鮓蚌也長一寸廣二分有一小蟹在其腹中琦曲岸也其中多鮓故以名亭案鮓為蚌之別種非即蚌也蚌體內圓而外銳大者能孕珠禹貢云蠙珠暨魚孔疏云蠙是蚌之別名此蠙出珠遂以蠙為珠名陸佃云蚌珠在腹是也蜃為大蛤與蚌異詳見下

鼈三足能龜三足寶

註

山海經曰從山多三足鼈大苦

山多三足龜吳興郡陽羨縣君山上有池池中出三

足鼈又有六眼龜

正義說卦傳云離為鼈為蚌為龜虞翻云皆取外剛內柔也考工記

又謂之內骨賈疏云蟹外有肉緣故為內骨鄭註地官以鼈鼈之屬水居陸生者為介物淮南說林訓云鼈無耳而目不可以暫精於明也說文云鼈甲蟲也左傳疏引樊光云鼈龜皆四足今三足故記之山澤之產種類各殊不得限以耳目所恒見鼈三足者謂之能龜三足者謂之賁爾雅為之正其名俾見者不以為異也論衡是應篇云鼈三足曰能龜三足曰賁能與賁不能神於四足之龜鼈是知爾雅所載以別物類非以廣異聞矣

註山海至眼龜

正義

中山經

云從山從水出于其上潛于其下其中多三足鼈又

云大苦山其陽狂水出焉西南流注于伊水其中多

三足龜是郭氏所引也郭又引時驗者太平寰宇記

云宜興縣君山在縣南二十里山上有池池中有三

足鼈六眸龜即郭氏所取證也初學記引宋畧云吳

郡獻六眼龜則吳地嘗獻之郭氏江賦云有鼈三足有龜六眸則以為江中所有者矣陋儒局於拘墟俗儒好言神異故為按其地望別其形生使周知庶物者皆折衷於雅訓以此為訓猶有以東陽六眼龜為祥瑞如沈約者以長山六目龜為祥瑞如蕭子顯者識有所蔽當由未嫻雅訓爾君山在今常州府宜興縣西南江陰縣北濱大江

蚘羸蛻蚰

註

即蝸牛也

正義

蚘羸一名蛻蚰天官鼈人祭祀共盛羸蚘以授醢人醢人

以羸醢為饋食之豆士冠禮亦以羸醢為豆賁既夕禮則以為東方之饌鄭註並以羸為蛻蚰今文羸為蛻故內則云蛻醢而苾食是也尚書大傳云鉅定羸是古者以為方土之貢卑雅引孫炎正義云負螺而行因以名之**註**即蝸牛也。**正義**廣雅云蝻羸蝸牛蛻蚰也莊子則陽篇云有所謂蝸者釋文引李頤云蝸蟲有兩角俗謂之蝸牛三倉云小牛螺也中山經云青要之山北望河曲是多僕藥蒲盧郭氏彼註云

僕累蝸牛也是又名僕累矣本草云一名陸蠡一名土蝸一名蝸蝸陶註云生陰地石垣下似蝸輪但背負殼爾海邊又一種正相似以火炙殼便走出食之益顏色名寄居亦可作醢

羸小者蝸註螺大者如斗出日南漲海中可以為酒杯

正義此海羸也吳語云其民必移就蒲羸于東海之濱韋昭註羸蚌蛤之屬韓非外儲說澤之魚鹽龜鼈

羸蚌是澤國所資也淮南修務訓云古者民茹草飲水采樹木之實食羸蠃之肉今羸有數種海濱人皆

食之其小者名蝸與貝之在水者同名**註**螺大至酒杯**正義**郭氏舉羸之大者相况也太平御覽引廣

志云海大羸數種其大者受一升南人以為酒杯嶺表錄異云大者受三升裝為酒杯又紅螺亦為酒器

蝸蟬小者螭註螺屬見埤蒼或曰卽蜚蝸也似蟹而小

正義蝸蟬之小者名螭玉篇云蝸蟬蟲又云蝸似蟹而小蓋兩解之**註**螺屬至而小**正義**郭引埤蒼以

蛸蟥為蜃屬今於它書無攷或曰即蜃蟥似蟹而小者古今註云蜃蛸小蟹也生海邊塗泥中食土一名長卿其有整偏大者名擁劍一名執火以其蜃赤故謂之執火也俗謂之越王劍嶺表錄異云蜃蛸吳人呼為彭越蓋語訛也足上無毛堪食吳越間多以漬鹽藏貨於市

蜃小者珧

註

珧玉珧即小蚌

正義

鄭註天官鼈人云蜃大蛤也其小者名珧夏小

正云十月雉入于淮為蜃蜃者蒲盧也通卦驗云小雪雉入水為蜃古者薦時食蜃為春時所獻以其切於用故設官以掌之地官掌蜃掌斂互物蜃物蜃之用有三其一為闢穢之蜃後鄭云將井樽先塞下以蜃禦濕也鄭司農說以春秋傳曰始用蜃炭言僭天子也其二為祭祀蜃器之蜃後鄭云飾祭器之屬也聖人職曰凡四方山川用蜃器春秋定十四年秋天王使石尚來歸蜃蜃之器以蜃飾因名焉鄭司農云蜃可以白器令色白其三為白盛之蜃後鄭云盛猶成也謂飾牆使白之蜃也今東萊用蛤謂之文灰云

王會篇云東越海金且璖文展展爲金之有文者也
璖者說文云璖蜃甲也所以飾物也禮云天子玉璖
而璖以案說文引禮今見瞻彼洛矣毛傳蓋逸禮之
文也**註**璖玉至小蚌也**正義**郭以蜃爲蚌故以玉璖
爲小蚌也太平御覽引臨海異物志云玉璖似蚌長
二寸廣五寸上大下小其殼中柱啜之味酒案此卽
後世所謂江珧柱也亦謂
之海月海濱四月有之

龜俯者靈**註**行頭低仰者謝**註**行頭仰前弁諸果**註**甲

前長後弁諸獵**註**甲後長左倪不類**註**行頭左庠今

江東所謂左食者以甲卜審右倪不若**註**行頭右庠

爲右食甲形皆爾**正義**春官卜師凡卜辨龜之上下

龜之屬各有名物天龜曰靈屬地龜曰繹屬東龜曰
果屬西龜曰雷屬南龜曰獵屬北龜曰若屬此釋之

也。龜俯者靈。鄭註卜師云下俯者也。又註龜人云天龜元俯者靈。天龜俯是俯者。即天龜也。仰者謝。鄭註云上仰者也。又云地龜黃仰者。釋地龜仰是仰者。即地龜也。周官作釋此作謝者。古者釋謝聲近字通。如詩在此無斃。韓詩作在此無射是也。前弁諸果。鄭註云陽前弁也。又云前弁果東龜前杜子春讀果為羸。是前弁者。即東龜也。諸為語辭。故鄭註引從省文下同。後弁諸獵。鄭註云陰後弁也。又云南龜赤後弁。獵南龜卻。是後弁者。即南龜也。左倪不類。鄭註云左左倪也。又云西龜白左倪。靈西龜左是左倪。即西龜也。當與類因聲近而轉。不為發語聲。故鄭氏引之。從省文下同。右倪不若。鄭註云右右倪也。又云北龜黑右倪。若北龜右是右倪。即北龜也。此龜人之職。所為各以其方之色。與其體辨之也。註行頭低。正義俯者天龜。賈公彥疏云天在上法之。故向下低也。行頭仰。正義仰者地龜。賈疏云地在下法之。故向上仰。甲前長。正義前弁者東龜。賈疏云在陽方。故甲向前長。而前弁也。杜

子春讀果爲贏者此龜前甲長後甲短露出邊爲贏
露得爲一義。甲後長。龜後弁者南龜賈疏云
南龜亦在陽方故甲後長而後弁。行頭至卜審。
左倪者西龜賈疏云以其在陰方故亦不長前
後而頭向左相睥睨然是賈疏以左倪爲左顧也初
學記引臧榮緒晉書印紐之龜有左顧者蓋象西龜
左倪之形矣郭以左倪爲左庫謂其頭偏向左也江
東所謂左食以其甲卜之得其審諦据時驗也。行
頭至背爾。右倪者北龜賈疏云在陰方故亦
不長前後而頭向右睥睨然郭氏之意則頭偏向右
江東所謂右食也此以龜之頭甲有俯仰前後左右
而辨其體也鄭註中庸云四體謂龜之四足春占後
左夏占前左秋占前右冬占
後右又以其足言之與此異

貝居陸賧在水者蠃計水陸異名也貝中肉如科斗但
有頭尾耳大者魴計書大傳曰大貝如車渠車渠謂

車輞卽魴屬小者鱗註今細貝亦有紫色者出日南

乎貝貽貝註黑色貝也餘眠黃白文註以黃爲質白

爲文點餘泉白黃文註以白爲質黃爲文點今紫貝

以紫爲質黑爲文點虵博而類註類者中央廣兩頭

銳蝸大而險註險者謂汗薄蝨小而橢註卽上小貝

橢謂陝而長此皆說貝之形容正義小雅菁菁者莪

古者貨貝五貝爲朋高誘淮南註亦以五貝爲一朋

也漢書食貨志云金刀龜貝所以通有無也說文云

古者貨貝而寶龜周而有泉至秦廢貝行錢禮記疏

云古者貨貝以貝爲貨若今之用錢爲貨也古旣以

貝爲貨又用以爲飾魯頌所謂貝冑朱紱也其川至

廣故釋之特詳。貝居至者蝸。詩疏引舍人云貝

水中蟲也鄭註士喪禮云貝水物古者以爲貨江水
出焉是貝木爲水中甲蟲因有居陸者故爲別其名
焉說文云貝海介蟲也居陸名蜃在水名蛸案今本
作蜃當從說文作蜃蛸與羸之小者同名羸貝類相
近也詩疏引陸璣疏云貝水中介蟲也龜鼈之屬其
文彩大小之殊甚衆古者貨貝是也。大者魴小者
魴。此別貝大小之異名也大者名魴小者名魴淮
南道應訓云散宜生得大貝百朋白虎通義封禪篇
云江出大貝大貝卽所謂魴矣漢書食貨志言貨貝
之品大貝四寸八分以上二枚爲一朋壯貝三寸六
分以上二枚爲一朋么貝二寸四分以上二枚爲一
朋小貝一寸二分以上二枚爲一朋不盈寸二分漏
度不得爲朋是爲貨貝五品此述王莽之制當時多
立名目屢有紛更民以爲苦爾雅所釋唯大貝小貝
而已其大小之寸分當如漢書所云也。元貝貽貝
。此釋貝之色異者也鹽鐵論云夏后以元貝是古
以元貝爲重逸周書王會篇云共人元貝孔晁註云
共人吳越之蠻元貝卽貽貝也蓋因其爲異物而貢

之矣。餘貳至黃文。此釋貝之有文者也。顧命云文貝仍几小雅巷伯云成是貝錦鄭箋錦文者文如餘泉餘貳之貝文也。疏引陸璣云餘貳黃爲質以白爲文餘泉白爲質黃爲文又有紫貝白質如玉紫點爲文皆行列相當大者徑一尺七寸今九真交趾以爲杯盤寶物也。蛇博至而橘。此廣釋貝之形狀也。蛇者釋文引字林云羸屬博而類也。案貝與羸相近而非羸也。玉篇以蛇爲貝引爾雅博而類是矣。蜎者玉篇亦以爲卽貝也。其狀大而險薄則大貝之別種也。蜎卽小貝其狀小而狹長也。註貝中至尾耳。○正義西山經云邽山濛水出焉其中多貝郭氏彼註云貝甲蟲肉如科斗但有頭尾耳與此註同。書大至魴屬。正義尚書大傳云散宜生之江淮之浦取大貝如大車之渠邨康成註云渠車岡也。漢書言尉佗獻大貝五百則大貝同出自南海嶺外代答云海南有大貝圓而紫平而深縫縫之兩旁有橫細縫陷生縫中又海中介物有名車渠者故郭氏以爲卽魴屬杜海虞衡志云車渠似大蚌嶺外代答云南海有

蚌屬曰車渠形如大蚶長三尺許亦有盈一尺以下者郭氏江賦云紫魴如渠謂車渠也。今細至日南。○**正義**貝之小者本草別錄謂之貝背圖經云長寸許色微白亦有深紫黑者。黑色貝也。○**正義**釋文引字林貽作蛤云黑貝也郭云黑色與字林同。以黃至文點。○**正義**詩疏引李巡云餘貳貝甲黃為質白為文彩餘泉貝甲白為質黃為文彩郭註本李巡為義又引紫貝者舉類以況也荀子王制篇云東海則有紫蛙魚鹽焉楊倞註云紫紫貝也文選註引相貝經云赤電黑雲謂之紫貝本草唐本註云背有紫斑而骨白。類者至而長。○**正義**鄭註士冠禮云博廣也郭氏訓類為銳訓險為薄訓橢為狹而長也史記索隱以橢為狹長而去其四角又省作隋儀禮疏以隋為狹而長也

蝾螈蜥蜴蜥蜴蝾螈蛭守宮也**註**轉相解博異語別

四名也

正義詩疏引李巡云蝾螈一名蜥蜴蜥蜴名蛭蛭蛭蛭名守宮小雅正月云胡為虺蜴毛

傳蜴蜥也鄭箋虺蜴之性見人則走考工記云以胃
鳴者鄭註胃鳴榮原屬賈疏云此記本不同馬融以
爲胃鳴干寶本以爲骨鳴胃在六府之內其鳴又未
可以骨爲狀亦難信皆不如作胃鳴也蜥亦作蜥說
文云榮蜥蛇醫以注鳴者以爲注鳴與鄭註異韋昭
鄭語註亦云蜥蜥也象龍太平御覽引春秋考異
郵云土勝水故守官食薑宗均云守官生於土藏物
屬坎水也註轉相至名也。正義詩疏引孫炎云別
四名也郭以轉相訓博異語者以此蟲本一物四名
而後世別爲二者則在壁在艸別之方言云守官秦
晉西夏謂之守官或謂之蠺蜥或謂之蜥易其在澤
中者謂之易蜴南楚謂之蛇醫或謂之蜥蜥漢書東
方朔傳云臣以爲龍又無角謂之爲蛇又有足跂跂
脈脈善緣壁是非守官卽蜥蜴詩疏引陸璣疏云虺
蜴一名蜥蜴也或謂之蛇醫如蜥蜴青綠色大如
指形狀可惡此皆欲別其類而易相漏說文云在
壁曰蜥蜴在艸曰蜥易今蜥蜴食蜴者多在壁間蜴
卽蜥也其在草中者則青綠色蓋本爲一物因所在

而異其名許慎之言信矣蜥蜴爲蟲類而見於釋魚者太平御覽引曹叔祥異物志云魚跳躍則蜥蜴從草中下稍相依近便其浮水上而相合事竟魚還水底蜥還草中此蜥蜴所出附見魚類也顏師古漢書註引術家養守宮之法又謂俗呼爲辟宮皆俗說不足爲據

蜥蜴

蜥屬大眼最有毒今淮南人呼蜥子騰騰蛇註

龍類也能興雲霧而遊其中淮南云蟒蛇蟒王蛇註

蟒蛇最大者故曰王蛇蜥博三寸首大如擘註身

廣三寸頭大如人擘指此自一種蛇名爲蛇虺正義此釋

蛇之異類也地官土訓導地隱以辨地物此辨之也先鄭云地隱地所生惡物害人者若虺蜥之屬自蜥以下皆地隱也故詳之。跌蜥。說文云跌地惡毒長也蜥屬虺一名蜥是蛇之有毒者也。騰騰蛇

○騰一名騰蛇說文云騰神蛇也亦作騰蛇荀子勸學篇騰蛇無足而飛大戴禮記作騰蛇無足而騰韓非十過篇騰蛇伏地淮南泰族訓云騰蛇雄鳴於上風雌鳴於下風而化成形精之至也。蟒王蛇。蟒一名王蛇玉篇云蟒大蛇也王訓爲大也今山中巨蟒長者至數丈搏麋鹿食之其目圓夜有光望之如炬今人亦稱爲王蟒。蝮虺至如擘。說文云虫一名蝮博三寸首大如擘指詩疏引舍人云蝮一名虺江淮以南曰蝮江淮以北曰虺孫炎云江淮以南謂虺爲蝮廣三寸頭如拇指有牙最毒案吳語云爲虺弗摧爲蛇將若何是虺非大蛇也今土虺伏地不見首尾與土同色螫人至死故應劭漢書註云蝮一名虺蠱蟲也螫人手足則割去其肉不然則死今人遇螫者具如應劭所言淮南說林訓云蝮蛇螫人傳以和堇則愈未聞有試之者。龍類至蟒蛇。正義史記龜策傳騰蛇之神而殆于卿蛆集解引郭璞曰騰蛇龍屬也後漢書註引爾雅舊註云騰蛇有鱗是爲龍類也云能興雲霧而遊其中者慎子云飛龍乘雲

騰蛇遊霧雲罷霧霽而龍蛇與螭螳同矣則失其所
乘也郭氏讚云騰蛇配龍因霧而躍雖欲登天雲罷
陸暴技非所體難以久託是也淮南云蟒蛇者主術
訓云騰蛇遊霧以動舊疏云蟒當爲奔引覽冥訓云
前白螭後奔蛇許慎云奔蛇馳蛇羅願亦謂蟒乃奔
字之訛。身廣至蛇虺。正義趙岐孟子註云巨擘
大指也釋文引郭氏三倉解詁云擘大指也陸德明
謂手足大指俱名擘也郭意以爾雅所釋乃土虺而
非綬文之蝮故其圖讚云蛇之殊狀其名爲虺其尾
似頭其頭似尾虎豹可踐此蛇忌履顏師古漢書註
云以今俗名證之郭註得矣虺若土色所在有之俗
呼土虺其蝮唯山南方詩疏引郭氏首義云今蛇細
頸大頭色如綬文間有毛似猪鬣鼻上有針大者長
七八寸一名反鼻如虺類足以明此是一種蛇南山
經云綬翼之山多蝮虫郭氏彼註云蝮虫色如綬鼻
上有鍼大者百餘斤一名反鼻虫古虺字衆經音義
引郭氏三倉解詁云蝮蛇色如綬文間有鬣鼻上有
針大者長七八尺有牙最毒郭氏三說大致相同詩

疏引作七八寸當作七八尺此為異蛇而非所在有之之土虺也然種類雖異而其毒則同故土虺亦稱為蝮蛇亦稱為蝮以其首大如擘故文子尚德篇云蝮蛇不可為足高誘淮南註云蝮蛇有毒螫人不可為足有足益毒玉篇云蝮毒蛇也

鯢大者謂之鰕

註

今鯢魚似鮎四脚前似獼猴後似狗

聲如小兒啼大者長八九尺別名鰕

正義

說文云鯢刺魚也左氏宣

十二年傳云取其鯢鯢而封之管子輕重甲篇請立五厲之祭魚以為鰕鯢以為鰕是古者戮鯢鯢以為祭役矣又以為遠方之貢逸周書王會篇云藏人前兒前兒若獼猴立行聲似小兒前兒即鯢也左傳疏引裴淵廣州記云鯢鯢長百丈雄曰鯢雌曰鯢目即明月珠也故死即不見眼睛也周處風土記云鯢鯢海中大魚俗說出入即為潮水**註**今鯢至名鰕**正義**水經註引廣志云鯢魚有四足似鱧出伊水太平

御覽引異物志云鰈魚有四足如龜而行疾有魚之體而以足行故曰鰈魚含水仰天不動小鳥就飲因而吞之案諸家言鰈魚所似互有不同惟郭註得其詳其爲四足則一也上林賦謂之鰈徐廣史記註謂卽人魚高誘呂氏春秋註以爲魚之賊是不獨食飛鳥且食魚矣一本郭註無別名鰈三字

魚枕謂之丁

註

枕在魚頭骨中形似篆書丁字可作印

魚腸謂之乙魚尾謂之丙

註

此皆似篆書字因以名

焉禮記曰魚去乙然則魚之骨體盡似丙丁之屬因

形名之

正義

此釋魚之骨體因形以爲名也魚頭之骨似篆書丁字其腸似篆書乙字其尾似篆

書丙字今驗之良然

註

禮記曰魚去乙

文鄭註云乙魚體中害人者名也今東海鰈魚有骨

名乙在目旁狀如篆乙食之鰈人不可出案

郭與郭異郭意以食魚者去其在首之枕也

一曰神龜**註**

龜之最神明二曰靈龜**註**

涪陵郡出大龜

甲可以卜緣中文似瑋琚俗呼爲靈龜卽今蜃蟪龜

一名靈蟪能鳴三曰攝龜**註**

小龜也腹甲曲折解能

目張閉好食蛇江東呼爲陵龜四曰寶龜**註**書曰遺

我大寶龜五曰文龜**註**

甲有文彩者河圖曰靈龜負

書丹甲青文六曰筮龜**註**

常在蓍叢下潛伏見龜策

傳七曰山龜八曰澤龜九曰水龜十曰火龜**註**

此皆

說龜生之處所火龜猶火鼠耳物有含異氣者不可

以常理推然亦無所怪

正義

此釋十朋之龜之名也

損卦六五云或益之十朋之

龜虞翻云謂神靈攝寶文筮山澤水火之龜也孔疏
引馬融鄭康成註並引此文釋之廣韻引逸周書云
武王悅箕子之對錫十朋今逸周書無此語蓋舊在
箕子篇而今佚也龜爲陰類故十朋之龜以應坤數
孔穎達云大凡神靈寶文攝唯五體而已是則筮龜
以言其用山龜澤龜水龜火龜皆指其所生之處而
名之也龜之最神明。**正義**禮器疏引爾雅一曰
神龜郭註云此當龜以爲畜在宮沼者與今木異疑
禮疏所引爲郭氏音義之文或所見本異也禮運云
龜以爲畜故人情不失又云龜龍在宮沼鄭註云龜
北方之靈信則至矣疏引服虔左傳註云言從又成
則神龜在沼逸周書伊尹朝獻商書云正西以神龜
爲獻是爲龜之最神明者也南齊書謂神龜腹下有
離兌卦此後世偶見之事非郭義也。涪陵至能鳴
。**正義**文選註引譙周異物志云涪陵多大龜其甲
可以卜其緣中文似瑇瑁俗名曰靈與郭氏義同郭
又云一名靈蟠能鳴者說文云蟠大龜也以胃鳴者
揚雄羽獵賦云扶靈蟠郭註東山經云翳蟠大龜也

甲有文采似璚琕而薄與此註同也禮器疏引註云
今江東所用卜龜黃靈黑靈者此蓋與天龜靈屬一
也是郭以龜人所謂天龜卽靈龜矣尚書大傳云孟
諸靈龜說苑云靈龜文五色似玉似金背陰向陽上
隆象天下平象地四趾轉運象四時文著象二十八
宿蛇頭龍翅左精象日右精象月千歲之化下氣上
通能知吉凶存亡之變寧則信信如也動則著矣。
小龜至陵龜。**正義**攝龜今南方有之羅願云蓋今
之呬蛇龜小狹長尾腹下橫折見蛇則呬而食之多
在陸地亦能登木是也禮器疏引郭註云以腹甲翕
然攝歛頭閉藏之卽當周禮地與四方之龜知者以
皆有奄歛之義故也案郭氏此說與今註不同又春
官龜人所掌六龜之屬鄭註以上文龜俯者靈仰者
謝六者釋之今廼以天龜爲靈龜地與四方之龜通
爲攝龜是六龜祇有兩類矣既乖鄭義又誤以爲卜
師之文疑郭氏未定之論也。書曰至寶龜。**正義**
大誥云寧王遺我大寶龜禮器疏引註云卽遺我大
寶龜及樂記曰青黑緣者天子之寶龜及公羊定八

年龜青純皆是也案寶龜所以贈諸侯故諸侯以龜
爲寶春秋云盜竊寶玉大弓公羊傳云寶者何龜者
純何休註云千歲之龜青髯經不言龜者以先知從
寶省文謂之寶者世世寶用之辭白虎通義著龜篇
引禮三正記云天子龜長一尺二寸諸侯一尺大夫
八寸士六寸龜陰類故數偶也○甲有至青文○**正**
義禮器疏引註云甲有文彩者河圖云靈龜負書丹
甲青文是也言靈者直是神龜之義非大龜也○常
在至策傳○**正義**儀禮疏引郭氏云上有叢蔭著下
有千齡蔡蓋郭氏音義之文以蔡爲筮龜也淮南說
山訓云大蔡神龜出於溝壑高誘註云大蔡元龜之
所出地名因名其龜爲大蔡云見龜策傳者史記龜
策傳云傳曰上有壽著下有神龜又云聞著滿百莖
者其下必有神龜守之其上常有青雲覆之○此皆
至所怪○**正義**山澤水皆龜所生之處唯火龜爲異
故郭引火鼠以況之郭註山海經云今去扶南東萬
里有耆薄國復五十里許有火山山國其山雖霖雨常
燃火中白鼠時出山邊求食人捕得之以毛作布名

之火
浣布

爾雅正義卷第十七

爾雅正義卷第十八

肅州校理翰林院編修加三級教習庶吉士充國史館纂修官邵青澗撰集

鳥部十七

左氏昭十七年傳鄭子述少皞

師爾鳥名尚書獨載堯以來而少皞設官之制

五雉五雉九扈爾雅分釋其名所謂書闕有間

其輯時見於他說也上古聖王觀鳥獸之文與

地之宜以通神明之德以類萬物之情故羽畎

夏翟陽鳥攸居禹貢以徵庶物而鳥鼠同穴遂

以名其山焉大司徒土會之法正其動物宜

羽物鄭康成以羽物為翟雉之屬庖人辨六禽

之名鄭司農以鴈鶩鶩雉鳩為六禽也養鳥

者為掌畜羅鳥者為羅氏射鳥者為射鳥氏去

天鳥者為翬氏翬蒺蒺氏其羽則入於羽人是古

人於鳥之名物辨之特詳說文云鳥長尾禽總

名也佳鳥之短尾總名也此篇所釋兼長尾短

尾而言之併及於蝙蝠者夏小正云凡有翼者為鳥也鼯鼠為鼠類而亦及之者以其能飛是

亦鳥之類也

佳其鳩鵒

註

今鴉鳩

正義

釋鳥首言鳩鵒者以其為孝鳥也佳其一名鳩鵒左氏昭十七

年傳謂之祝鳩說文云鴉祝鳩也孔疏引樊光曰春秋云祝鳩氏司徒祝鳩即佳其夫不孝故為司徒蓋以夫不之鳥為孝鳥故以為五鳩之首杜預亦云祝鳩鴉鳩也鴉鳩孝故為司徒主教民也小雅四牡云翩翩者騅毛傳騅夫不也鄭箋云夫不鳥之慈謹者人皆愛之案四牡以勞使臣其辭曰不遑將父不遑將母故詩人取興於鴉以慰其思琴操謂孝子見鳩與母俱飛鳴相哺食感思作歌其猶四牡詩人之意與鳩鵒當從毛傳作夫不**註**今鴉鳩○**正義**左傳疏引舍人云佳一名夫不今楚鳩也詩疏引舍人云鴉名其夫不李巡云夫不一名鴉今楚鳩也某氏引春秋云祝鳩氏司徒祝鳩雖夫不孝故為司徒詩疏所

引某氏註即左傳疏所引樊光註也郭云今鴉鳩者
詩疏引作今鴉鳩也左傳疏引郭註與今木同鴉鳩
聲相近今人又謂之鴉鳩南有嘉魚毛傳云鴉壹宿
之鳥鄭箋云壹宿者壹意於其所宿之木也今鴉鳩
栖息有定所俗語謾則曰鴉鳩定矣鴉鳩似斑鳩而
脆無絀采拙於營巢俗以爲將雨遂其雌雨止則呼
而反之也詩疏引陸璣疏云今小鳩也一名鴉鳩幽
州人或謂之鴉鳩梁宋之間謂之佳揚州人亦然陸
疏畧木方言然方言以鴉
鳩爲一鳥則非也

鵲鳩鵲鳩

註

似山鵲而小短尾青黑色多聲今江東亦

呼爲鵲鳩

正義

左傳云鵲鳩氏司事者也疏引舍人

秋云鵲鳩

氏司事春來冬去孫炎云鵲鳩一名鳴鳩

夏小正云三月鳴鳩言始相命也先鳴而後鳩何也

鳴者鳩而後知其鳩也月令云鳴鳩拂其羽太平御
覽引蔡邕章句云鵲鳩也鳩先是時鳴故稱鳴鳩拂

猶搏也陽氣所感故搏羽小雅小宛云宛彼鳴鳩毛
 傳宛小貌鳴鳩鵲雕釋文引字林云鵲鵲小種鳩也
 毛詩草木疏云班鳩也杜陽人謂之班佳案鵲鵲為
 司事之鳥故杜預左傳註亦以為春來冬去若班鳩
 則四時有之是鵲鵲非班鳩也
 義禮記疏引郭景純云鵲音九物反鵲音啍後世即
 謂之鵲啍矣玉篇云鵲似鵲而小黑色本於郭註也
 鵲鵲好以春朝鳴其聲連屬如相貫故郭以為多聲
 離騷云雄鳩之鳴逝兮子猶惡其佻巧雄鳩即鵲鵲
 惡之者以其多聲也莊子謂之鵲鳩釋文引司馬彪
 註鵲鳩小鳩也崔謨註鵲讀為滑滑鳩一名滑雕李
 願註鵲雕也案杜預左傳註亦以鵲鳩為鵲雕與毛
 傳同皆因字形相涉而誤分為二名也古文周作旬
 或省作舟大東鄭箋云舟當作周考工記註云故書
 舟作周是周舟二字相濶从鳥从住
 或相通用故鵲鵲傳寫作鵲雕矣

鳴鳩鵲鵲

註

今之布穀也江東呼為獲穀

正義

鳴鳩一

名鵲鵲說文

作枯槁尸鳩因鳴聲以命名凡聲近之字俱可通也
鳩爲有均一之德而無營巢之智能隨時以變化故
古者以命官後世以爲農驗焉左傳疏引樊光曰春
秋云鳩鳩氏司空心平均故爲司空曹風云鳩鳩在
桑其子七兮毛傳鳩鳩秸鞠也鳩鳩之養其子朝從
上下暮從下上平均如一杜預左傳註云鳩鳩鵲
也鳩鳩平均故爲司空平水土是言其德之均壹也
召南云維鵲有巢維鳩居之毛傳云鳩鳩鵲也
鳩鳩不自爲巢居鵲之成巢鄭箋云鳩鳩因鵲成巢
而居有之而有均壹之德此言其性之拙鄭箋兼言
其德也夏小正云正月鷹則爲鳩五月鳩爲鷹傳云
鷹也者其殺之時也鳩也者非其殺之時也善變而
之仁也故其言之也曰則盡其辭也鳩爲鷹變而之
不仁也故不盡其辭也月令仲春之月鷹化爲鳩鄭
註云鳩搏穀也高誘呂氏春秋註云鷹化爲鳩啄正
直不驚擊也鳩蓋布穀鳥列子天瑞篇云鵲之爲鵲
鵲之爲布穀布穀又復爲鵲也此言其因時以變化
也註今之至獲穀。正義布穀獲穀皆聲之轉故鄭

康成又謂之搏穀月令疏云布搏聲相近謂之搏穀以聲呼之或以為此鳥鳴布種其穀云詩疏引陸璣疏云一名擊穀陳藏器本草云亦名郭公北人名撥穀皆聲之轉也今布穀以穀雨後鳴農家聞其聲以趣東作矣左傳疏引孫炎口方言云鴈鵠自關而東謂之戴勝後漢書註亦以布穀為戴勝蓋本於方言今案鴈鵠戴勝自為二鳥太平御覽引陸璣疏云今梁宋之間謂布穀為鴈鵠一名桑鵠是則布穀非戴勝矣詩疏引謝氏云布穀類也諸說皆未詳布穀者近得之

鴈鵠鴈註

小黑鳥鳴自呼江東名為烏白

正義鴈鵠一名鴈鵠

淮南說林訓云烏力勝日而服於雞禮高誘註云烏在口中而見故曰勝日服猶畏也雞禮爾雅禋筮秦人謂之祀祝聞簫時晨鳴人舍者鴻鳥皆畏之案高誘所見爾雅本鴈鵠作禋筮故引以釋淮南之雞禮後世謂之批頰因聲近而訛也**註**小黑至烏曰**正義**釋文云日本作鴈玉篇云烏鳴似鴈有冠羅願云

今鷓鴣小於烏而逐烏荆楚歲時記亦稱四月有鳥如烏鴻先雞而鳴聲云加格加格民候此鳥鳴則入田以爲催人犁格也亦引爾雅烏鳴卽鵲鳩案羅願以鷓鴣卽烏鳴是矣又以爲卽祝鳩非也

鷓鴣王鷓註鷓類今江東呼之爲鷓好在江渚山邊食

魚毛詩傳曰鳥摯而有別

正義左傳疏引李巡云王鷓一名鷓鴣周南云關關

雎鳩後漢書註引薛夫子韓詩章句云詩人言雎鳩貞潔以聲相求必於河之洲隱蔽無人之處蓋詩人起興唯取其鳴聲之和故釋詁云關關音聲和也淮南泰族訓亦云關雎興於鳥而君子美之者爲其雌雄之不乖居也然王雎實爲鷓鴣左氏昭十七年傳云雎鳩氏司馬也杜預註云王鷓也鷓而有別故爲司馬主法制此取其力能鷓擊與詩義各有當也註鷓類至有別。正義鷓類者說文云白鷺王雎也詩疏引陸璣疏云雎鳩大小如鷓深目日上骨露幽州人謂之鷓而楊雄許慎皆曰白鷺似鷓尾上白是爲

雁之類也。今江東呼之為鵞者，史記正義云：王雉金口鵞也。好在江渚山邊食魚者，詩疏引郭註作好在江邊，此中亦食魚。左傳疏所引與今本同。今鵞鳥能翔翔水上捕魚而食，後世謂之魚鷹，其鳴緩而和，順與白鵞相似而色蒼，非即白鵞也。郭又引毛傳者，即關雎傳文。

鵞鵞鵞

註

今江東呼鵞鵞為鵞鵞，亦謂之鵞鵞。

正義 鵞一名鵞

鵞即下文所謂怪鵞也。詳見下文。鵞當從說文作雉。釋文云：鵞鵞本亦作忌欺。**註**今江至鵞鵞。**正義** 衆經音義引爾雅：鵞忌欺。郭璞曰：今江東呼鵞鵞為忌欺，亦謂之鵞鵞。與今本微異。又引舍人云：謂鵞鵞也。南陽名鵞鵞，又作格其。鳥畫伏夜行為怪也。

鵞鵞軌

註

未詳

正義 此與東方之雉同名而殊類也。

鵞天狗

註

小鳥也，青似翠，食魚。江東呼為水狗。

正義 說文云：鵞。

天狗也羅願云此鳥穴土為巢其喙皆紅頂下白今人謂之翠碧鳥又謂之魚狗或曰小者名魚狗大者名翠奴亦有斑白者俱能水上取魚其尾亦可為飾

鸚鵡

註大如鸚雀色似鶉好高飛作聲今江東名之

曰天鸚音稠繆

正義鸚一名天鸚釋文云鸚說文作鸚今本說文作鸚天鸚也蓋傳寫之

訛當從釋文本作鸚此鳥直刺上飛而鳴聲相屬後人謂即告天鳥蓋不誤也**註**大如至稠繆。**正義**此與雉之暮子同名故為別其形狀也音稠繆者猶云音稠繆之繆

鵲

註今之野鴛

正義說文云陸萑鵲也是鵲一名鵲鵲當作萑玉篇云鵲鵲野鴛

也則又以鵲鵲二字連讀矣郭註子虛賦云鴛鴦野鴛也玉篇云鴛鴦雁屬是也

鵲

註今呼鵲鵲

正義鵲一名鵲鵲通卦驗云雨水鵲鳴鵲知時之鳥也史記正義

引司馬彪云鵠似雁而黑鳥之高飛者難弋故列子
 湯問篇以蒲且子連雙鵠於青雲之際為中雋矣說
 文云鵠麋鵠也玉篇作鵠鵠註今呼鵠鵠。正義顏
 師古漢書註云鵠鵠今關西呼為鵠鹿山東通謂之
 鵠鄙俗名為錯落錯落者亦言鳴聲之急耳又謂鵠
 持鵠持鵠鹿皆象其鳴聲也案酉陽雜俎引裴瑜爾
 雅註云是九頭鳥案九頭之鳥即廣韻引韓
 詩謂孔子渡江所見者乃奇鵠非麋鵠也

鵠鳥鵠註

水鳥也似鵠而短頸腹翅紫白背上綠色江

東呼鳥鵠

正義說文云鵠鳥鵠也鵠與鵠同玉篇云
 鵠鳥鵠水鳥也註水鳥至鳥鵠。正義說

文繫傳及廣韻俱本郭註為義鵠者白孔六帖引三
 名云鵠鳥高飛似雁目相擊而孕吐而生子其色蒼

似之也

舒鴈鴈註

禮記日出如舒鴈今江東呼鴈舒鴈鴈註鴨

也。正說文云鴈鵠也从鳥人尸聲與鴻雁之雁从

作者有別說文又云鵠舒鳧也二者爲常畜之禽

故連釋之內則記不食之物曰舒鴈鵠舒鳧鵠鵠者

尾肉也舒鴈舒鳧皆可以供養老者所不食者其尾

肉耳夏官掌畜掌養鳥而阜蕃教擾之鄭註云鳥之

可養使盛大蕃息者謂鵠鵠之屬是鵠鵠得爲鳥也

○舒鴈鵠。禮記疏引李巡云野曰鴈家曰鵠案爾

雅以鵠釋舒鴈不應以在野在家而異其名衆經音

義引孫炎云鵠一名舒鴈禮記疏又引孫炎云在野

舒翼飛遠者爲鵠是也莊子山木篇云命堅子殺鴈

而烹之卽家畜之鵠矣。○舒鳧鵠。禮記疏引舍人

李巡云鳧家鴨名也鵠野鴨名也某氏云在野舒飛

遠者爲鳧大宗伯以禽作六摯庶人執鵠鄭註云鵠

取其不飛遷象庶人安土重遷也曲禮云庶人之摯

匹鄭註云舊說匹讀爲鵠淮南地形訓云食水者善

游能寒高誘以爲鵠之屬矣左傳疏云謂之舒者家

養馴不畏人故飛行遲別野名耳其爲鵠一也。禮記

記至呼鵠。○出如舒鴈鵠禮記文今江東呼鵠

者方言云鵒自關而東謂之鵒書南楚之外謂之鵒
或謂之鵒郭氏彼註云今江東通呼為鵒說文云
鵒也

鵒鵒鵒

註似鳧脚高毛冠江東人家養之以厭火災

說文云鵒鵒鵒也夏官職方氏揚州宜鳥獸鄭註云
鳥獸孔雀鵒鵒鵒象之屬鵒鵒雖小鳥而羽毛可
以為飾故與孔雀鵒鳥同為珍禽矣上林賦謂之交
精註似鳧至火災○**正義**玉篇云鵒鵒似鵒太平御
覽引異物志云鵒鵒巢於高樹顛生子未能飛皆銜
其母翼下地飲食後世養鵒鵒者多於池渠以其為
水禽故云
以厭火災

輿鵒鵒

註未詳

正義玉篇云鵒鵒鵒又云鵒鵒也鵒
鵒鳥喙蛇尾也廣雅以鵒為怪鳥

鵒鵒鵒

註今之鵒鵒也好羣飛沈水食魚故名洿澤俗

呼之爲淘河

正義

詩疏引舍人云鵒一名鴝鵒說文

云鵒胡汚澤也鵒或作鴝曹風候人云

鵒在梁不濡其翼毛傳鵒汚澤鳥也梁水中之梁

而不濡者非其常也鄭註表記亦云汚澤苦居泥水

之中鵒鵒食魚故莊子外物篇云魚不畏網而畏鵒

鵒又能竭池水故淮南齊俗訓云鵒胡飲水數斗而

不足漢書五行志云鵒鵒卽汙澤也或曰禿鶯顏師

古云卽汚澤也**正義**今之至淘河○**正義**詩疏引陸璣

疏云鵒水鳥形如鴝而極大喙長尺餘直而廣口中

正赤領下胡大如數升囊若小澤中有魚便羣共舂水滿

其河而棄之令水竭盡魚在陸地乃共食之故曰淘

河又郭註東山經云今鵒鵒足頗似人脚形狀也

禮記疏引郭註作沈於水詩疏引郭註與今本同

翰天雞

註鵒雞赤羽逸周書曰文鵒若彩雞成王時蜀

人獻之

正義

翰一名天雞雉之類也說文云翰天雞

赤羽也一名鵒風又云鵒雞肥鵒音者也魯

郊以丹雞祝日以斯鵠音赤羽去魯侯之咎案天雞為丹雞魯郊用之則非希有者矣

正義

逸周書王會篇云蜀人以文鵠文鵠者若鵠雉

孔見註云鳥有文彩者皐雉似鳬冀州謂之澤特也

皐一作皇釋文引樊光云

鵠一名山雞非郭義也

鵠山鵠

註

似鵠而有文彩長尾背脚赤

正義

說文云鵠

鳥也鵠或作鵠繫傳以為亦猶猩猩知人往事也禮射鵠鵠即此也淮南汜論訓云乾鵠知來而不知往高誘註云乾鵠鵠也人將有來事憂喜之徵則鳴知歲多風多巢於木枝人皆採其卵賈公彥周禮疏亦以鵠為山鵠案鵠為乾鵠山鵠為鵠之類舊說謂鵠即山鵠非也

註似鵠至脚赤。

正義乾鵠大如雅而長尾銳喙黑爪緣背白腹山鵠則似鵠而有文采喙與足俱赤尾長不能遠飛山中人謠云朝鵠叫晴暮鵠叫雨故說文以為知來事鳥

鵓負雀

註

鵓鵓也江東呼之為鵓善捉雀因名云

正義鵓能

搜雀故亦名負雀玉篇云鵓鵓也燕文類聚引詩義疏云隹鵓也齊人謂之題羽或曰雀鵓亦分化為布穀此屬數種皆為隹說文云鵓鵓鳥也廣雅云籠脫鵓也

鵓齒艾

註

木詳

鷓鴣老

註

鷓鴣也俗呼為癡鳥

正義

鷓一名鷓老左傳疏云舍人李巡孫炎郭

氏皆斷老上屬屬下屬解云鷓一名鷓老屬一名鷓尾之名者俱有老屬不獨樊光也然說文云鷓鴣老也又云老屬鷓是則鷓老之名其來已久不得以上屬者為非疑下文屬字上舊有老字後人誤以為重衍而去之耳**註**鷓鴣至癡鳥。**正義**說文云鷓鳥也釋文引字林云句喙鳥玉篇云鷓鳥啄食廣韻亦作鷓監本鷓字从令作鷓非也

鴈鴝

註今鴝雀

正義一名鴝

又作鴝亦謂之鴝鴝左傳疏引賈逵服虔註謂鴝鴝以聲音為

名也鴝為六禽之屬周官庖人共之內則亦以為庶羞之品晉語云晉平公射鴝韋昭註鴝為小鳥也

今鴝雀。

正義

莊子謂之斤鴝釋文引司馬彪云鴝

鴝雀也高誘呂氏春秋註云鴝一名冠雀顏師古急就篇註云今俗呼為鴝鴝堆衆經音義引纂文云關中以鴝為鴝鴝堆

桑鴈竊脂

註

俗謂之青雀黃曲食肉好盜脂膏因名云

正義

左傳疏引李巡云桑鴈一名竊脂小雅小宛云

交交桑扈率場啄粟毛傳交交小貌桑扈竊脂也鄭

箋云竊脂肉食今乃無肉而循場啄粟失其天性不

能以自活疏引陸璣疏云青雀也好竊人脯肉及笥

中膏故以名竊脂也說竊脂者舊無疑義至孔穎達

左傳疏通云諸儒說竊脂皆謂竊人脂膏也即如此

言竊元竊黃者豈復盜竊元黃乎爾雅釋獸云虎竊

毛謂之貓貓應如小熊竊毛而黃竊毛皆謂淺毛竊

毛謂之貓貓應如小熊竊毛而黃竊毛皆謂淺毛竊

卽古之淺字竊元淺黑也竊藍淺青也竊黃淺黃也竊丹淺赤也四色皆其則竊脂爲淺白也案孔疏所辨非徒不達於物性也又不明於詩義今桑鵲色青翠春暮常在叢薺間孔疏定爲淺白當由未識此鳥以臆決之且三百篇善言物性前後互見宜得其會通詩不云乎交交桑扈有鶯其羽又云交交桑扈有鶯其領毛傳云鶯然有文章是鶯者指其色之青翠而言後世以黃離爲黃鶯亦言其文彩也若如孔疏以桑扈爲淺白之鳥然則白鶯白鶯亦可云有鶯其羽有鶯其領乎夫物性各殊不可以強詞而奪桑扈竊肉而食其性然也淮南說林訓云馬不食脂桑扈不啄粟非廉也高誘云桑扈青雀馬不食脂桑扈扈之竊食脂膏古人盡物之性以正其名至今可得之目驗豈得強所不知斷爲淺白哉至於竊藍竊黃竊白爲淺不得與竊脂一例爾雅命名有取諧聲者如鴈鳩之名鴈鳩鳩鳩之名鵲鵲有象其形者如燕爲白雁烏倉庚爲鵲黃以及竊藍竊黃皆是也有指其事者如鴈鵲爲剖葦鵲爲蠶母鵲爲斲木暨桑扈

為竊脂皆是也古人命物之名原未嘗預立定制孔
疏徒知竊有淺義遂欲併竊脂而訓為淺白然則釋
鳥有鶻負雀謂鶻能捉雀釋蟲有草蟲負蟻豈可謂
草蟲之所負為蟻乎蟻蟹一名負盤豈可謂蟻蟹能
負盤匪乎以是推之則竊脂之竊為盜竊之竊竊藍
竊黃與獸類之竊毛皆為竊淺之竊義本殊途言各
有當不窮物性而望文生義此
無異於高叟為詩多見其固也

鵯鵯剖韋

註

好剖韋皮食其中蟲因名云江東呼蘆虎

似雀青斑長尾

正義

鵯鵯一名剖韋說文云刀鵯剖
韋食其中蟲鵯當從說文作刀**註**好

剖至長尾○

正義

玉篇云剖韋似雀青斑居蘆韋木

於郭註也說文繫傳云江東呼蘆虎虎綉蟲衣也未

詳虎綉蟲

衣之義

桃蟲鵯其雌鵯

註

鵯鵯桃雀也俗呼為巧婦小鳥而生

鷓鴣者也

正義詩疏引舍人云桃蟲名鷓其雌名鷓

桃蟲鷓也

周頌小毖云肇允彼桃蟲拚飛維鳥毛傳

肩也或曰鷓皆惡聲之鳥

案鄭君因始小終大而推

言之互舉二鳥不為定說也

註鷓鴣至者也○**正義**

鷓鴣桃雀者說文云

鷓鴣桃蟲也俗呼為巧婦者方

言云桑飛自關而東謂之工爵或謂之過麻或謂之

女匠郭氏彼註云即鷓鴣也今亦名為巧婦江東呼

布母莊子逍遙遊云鷓鴣巢于深林不過一枝李順

註云鷓鴣小鳥也郭又云小鳥而生鷓鴣者詩疏引

陸璣疏云今鷓鴣是也微小於黃雀其雛化而為鷓

故俗語鷓鴣生鷓鴣監本脫小鳥以下八字今從詩疏

所引郭

註增補

鷓鴣其雌皇

註瑞應鳥雞頭蛇頸燕頤龜背魚尾五彩

色其高六尺許

正義說文云鷓鴣鳥也其雌皇一日鳳

凰也左氏昭十七年傳云少皞摯之

鳳

也

色其高六尺許

也

鳳

也

色其高六尺許

也

鳳

也

色其高六尺許

也

立也鳳鳥適至故紀於鳥而爲鳥師鳳鳥氏歷正也
杜註云鳳鳥知天時故以名歷正之官益稷云鳳凰
來儀鄭註云儀匹言其相乘匹大雅卷阿云鳳凰于
飛翾翾其羽毛傳云鳳凰靈鳥仁瑞也雄曰鳳雌曰
凰釋文引陸璣疏云雄曰鳳雌曰凰一名鸛其雛曰
鸛鸛或曰鳳一名鸛鸛記瑞應至尺許正義韓詩
外傳云黃帝召天老而問之曰鳳象何如天老對曰
夫鳳象鴻前麟後蛇頸而魚尾龍文而龜身燕頤而
雞喙戴德負仁抱忠挾義小音金大音鼓延頸奮翼
五彩備明舉動八風氣應時雨食有質飲有儀往卽
文始來卽嘉成惟鳳爲能通天祉應地靈律五音覽
九德天下有道得鳳象之一則鳳過之得鳳象之二
則鳳翔之得鳳象之三則鳳集之得鳳象之四則鳳
春秋下之得鳳象之五則鳳沒身居之案諸家說鳳
者大率皆爲瑞應之鳥郭氏所言鳳象木於廣雅又云
安寧皆爲瑞應之鳥郭氏所言鳳象木於廣雅又云
其高六尺許者郭註山海經云漢時鳳皇數出高
五六尺五采與此註同監本脫其字今從宋本

鷓鴣離渠**註**

雀屬也飛則鳴行則搖

正義鷓鴣詩作春令也渠說文作離

鷓別二名也小雅常棣云脊令在原失其常處則飛則鳴也鄭箋云離渠水鳥而今在原失其常處則飛則鳴求其類天性也疏引陸璣疏云大如鷓鴣雀長脚長尾尖喙背上青灰色腹下白頸下黑如連錢故杜陽人謂之連錢**註**雀屬至則搖。**正義**說文云雅石鳥一名離鷓是離鷓又名雅又名石鳥也飛則鳴行則搖者毛傳文小宛云題彼脊令載飛載鳴鄭箋云則飛則鳴翼也口也無有止息時

鷓鴣斯鴣**註**

鴣鳥也小而多羣腹下白江東亦呼為鷓

鳥**正義**鷓鴣一名鷓鴣水經註引孫炎云卑居楚鳥捷為舍人以為壁屋小雅小弁云弁彼鷓鴣斯歸飛

提提毛傳鷓鴣卑居卑居雅鳥也提提羣貌孔疏云此鳥性好羣聚故曰歸飛提提夏官羅氏掌羅鳥鳥鄭註以鳥為卑居之屬亦以其羣聚而易羅也斯為語辭古人每多連舉如斯螽斯之類是也鷓鴣當作

卑居註鴉鳥至鴉鳥。正義鴉當作雅說文云雅楚
 鳥也一名卑居一名鴉泰謂之雅小爾雅云純黑而
 反哺者謂之鳥小而腹下白不反哺者謂之雅鳥釋
 文引字林亦曰泰云雅鳥水經注又引馬融說以為
 賈鳥矣

燕白脰鳥註脰頸正義此後世所謂燕鳥也小爾雅云

水經註引小爾雅白項而羣飛者謂之燕鳥白
 頭者謂之蒼鳥一句蒼鳥為燕鳥之類也

鴛鴦註鴛也青州呼鴛母正義鴛一名鴛母夏小正

鴛為鼠傳曰鴛鴦也變而之善故盡其辭也鴛為鼠
 變而之不善故不盡其辭也今鴛有海魚所化者背
 有斑文其川鼠所化者則無斑文鴛為小鳥而古者
 食品川之夏官掌畜膳獻之鳥鄭註以為鴛鴦之
 屬公食大夫禮以鴛為庶羞充二十豆之數蓋蒸而
 食之內則云鴛羹美雞羹鴛羹之麥鄭註云鴛在羹下

蒸之不羹也說文作翟牟母也鴛或作翟禮記疏引
舍人云母作無鄭註儀禮作鴛無母蓋傳寫之訛月
令註作鴛鴦母是也正義鴛也至鴛母正義郭以鴛
為鴛者禮記疏引李巡云鴛鴦一名鴛母郭註本李
巡淮南時則訓註云鴛鴦也此則莊子謂川鼠化為
鴛而傳合之川鼠亦能化鴛鴦為鴛之類而非鴛也
禮記釋文引蔡邕章句以鴛為鴛鴦之屬則又泛舉
而不得其定名說文以鴛為鴛屬玉篇以鴛母即鴛
皆可與郭註相證明也青州呼鴛母者高誘呂氏春
秋註云青州謂之鴛鴦周雒謂之鴛鴦南州謂之鴛鴦
鴛即鴛母之訛也禮記疏引皇侃疏義川賀瑒
之說以鴛為鴛鴦此又因鼠能化鴛鴦而誤也

密肌繫英

註

釋蟲已有此名疑誤重

正義

釋文木密作鴛英作鴛郭疑為

重出則郭本不從鳥玉篇云鴛肌繼鴛鳥名又云
鴛鳥名鳥似鴛密密古通用蓋爾雅家之舊說也

雋周註

子雋鳥出蜀中

正義

雋一名周史記歷書云百

子規也今子規大如鳩以春分先鳴至夏尤甚日夜號深林中口為流血至章陸子熟乃止

中。正義詩疏引舍人云鶯周名燕燕又名鶯孫炎

云別三名太平御覽引孫炎云鶯周燕別名皆合下

文釋之說文以為子鶯鳥而亦云鶯則燕也郭不從

者以子規與燕自為兩鳥戶盡知之不得傳合為一

也玉篇以鶯鶯為子鶯聲之轉也又以為鶯即布

穀則誤矣子規出蜀中今所在有之蜀中尤多

燕燕

註

詩云燕燕于飛一名子鳥齊人呼

正義

燕一名

鳥說文云燕元鳥也簡曰布張枝尾象形又云乙元

鳥也或作鳥左氏昭十七年傳云元鳥氏司分者也

說文引明堂月令元鳥至之日祠于高禴以請子請

子必以乙至之日者乙春分來秋分去開生之候鳥

帝少昊司分之官也鄭註月令云燕以施生時來巢

人堂宇而孚乳娶嫁之象也古者重高禴之祀其祀

之之禮則虛植以為用三牲商頌言降而生商或謂

因祀高禴而得子故詩人謂之天命矣燕畏人而襲

諸人問人多喜其來巢夏小正云二月來降燕乃睇
燕乙也降者下也言來者何也莫能見其始出也言
乃睇何也睇者眇也眇者視可爲室者也百鳥皆曰
巢穴又謂之室何也操泥而就家入人內也九月
陟元鳥蟄陟升也元鳥者燕也先言陟而後言蟄者
何也陟而後蟄也今燕蟄毛羽盡脫多戕海濱坻岸
或在深山空木中註詩云至呼正義鄉風云燕
燕于飛毛傳燕燕正義也呂氏春秋音初篇云燕燕往
飛漢書五行志童謠云燕燕尾涎涎是古人多連言
燕燕左傳疏云或單呼爲燕或重名燕燕異方語也
商頌毛傳云元鳥正義也說文云齊魯謂之乙取其鳴
自呼莊子謂之鵲正義山木篇云鳥莫知於鵲正義司馬
彪註云鵲鵲燕也皆
因其聲轉而爲名也

鴟鵂

註

鴟鵂類

正義

詩疏引舍人云鴟鵂一名鴟鵂
文選註引韓詩傳曰鴟鵂既取我子

無毀我室鴟鵂鴟鵂鳥名也鴟鵂所以愛養其子者
適所以病之愛養其子者謂堅固其窠巢病之者不

知託于大樹茂枝反敷之葦蒿風至蒿折巢覆有子
則死有卵則破是其病也韓詩所說鴟鴞卽荀子勸
學篇所謂蒙鳩也詩疏引陸璣疏云鴟鴞似黃雀而
小其喙尖如錐取茅莠爲巢以麻紘之如刺襪然縣
著樹枝或一房或二房幽州人謂之鷦鷯或曰巧婦
或曰女匠關東謂之工雀或謂之過贏關西謂之桑
飛或謂之被雀或曰巧女陸疏所說異名本於方言
以鴟鴞爲小鳥也楊倞荀子註謂蒙鳩卽鷽鷽也引
說苑客謂孟嘗君曰鷽鷽巢於葦苕箸之以髮可謂
完堅矣大風至則苕折卵破者何也所託者然也案
鷽鷽自爲桃蟲巢林不過一枝形微處卑物莫之害
繁滋族類乘居匹游無巢覆卵破之患以鷽鷽爲蒙
鳩非也蒙鳩大戴禮記作蛟鳩註鴟類○正義諸家
並以鴟鴞爲鳩屬郭云鴟類與諸家異劉向九歎云
鴟鴞集於木蘭王逸註鴟鴞
鷽鷽貪鳥也與郭註意同

狂茅鴟註

今鷽鷽也似鷹而白怪鴟註

卽鷽鷽也見廣

雅今江東通呼此屬爲怪鳥梟鴟

註

土梟

正義 秋官
若族氏掌

覆天鳥之巢庭氏掌射國中之天鳥若不見其鳥獸
則以救日之弓與救月之矢射之鄭註云天鳥惡鳴
之鳥若鴟鴞又云不見鳥獸謂夜來鳴呼爲怪者此
以茅鴟怪鴟及梟鴟釋妖鳥之類也○狂茅鴟○茅
鴟一名狂卽下文所謂荏老鴟也○怪鴟○說文云
鴟舊留也舊或爲鴟繫傳以爲卽怪鴟也卽上文所
云鴟鴞鴟矣莊子秋水篇云鴟鴞夜撮蚤察毫末晝
出瞋目而不見正山釋文引司馬彪云鴟鴞鴞夜取
蚤食之李頤云鴟鴞夜聚人爪於巢中案鴟鴞所聚
或以爲蚤蝨而非人之爪甲然博物志謂其夜至人
家取人所棄爪甲分別視之則知吉凶凶者輒鳴陳
藏器又謂有人獲之喙中猶有爪甲跡涉語怪無俟
究詰淮南謂鴟夜聚蚤察分毫末與莊子同○梟鴟
○鴟一名梟大雅瞻卬云爲梟爲鴟毛傳鴟梟惡聲
之鳥說文梟不孝鳥日至捕梟磔之从鳥頭在木上
詩疏引陸璣疏云鴟大如斑鳩綠色惡聲之鳥也入

人家因賈誼所賦鵲鳥是也其肉甚美可爲羹臠又可爲炙漢供御物各隨其時鵲冬夏常施之以其美故也案淮南說林訓云鼓造辟兵壽盡五月之望高誘註鼓造謂臬後世五月作臬羹蓋仍古制矣史記賈誼傳云楚人命鵲曰服鄧展云似鵲而大晉灼引巴蜀異物志云有鳥小如雉體有文色土俗因形名之曰服不能遠飛行不出域荊州記云巫縣有鳥如雌雉其名爲鵲楚人謂之服吳錄云服黑色鳴自呼是鵲爲鵲類而非臬也註卽鵲至怪鳥○正義衆經音義引舍人云一名怪鳥一名鵲鵲一名鉤鵲說文云鵲鵲也籀文作鵲廣雅云肥鵲鵲鵲怪鵲也郭云江東通呼此屬爲怪鳥故賈誼傳亦以鵲爲不祥之鳥也○上臬○正義羅願云土臬穴土以居故曰土臬

鵲劉疾

註未詳

正義鵲之雄者亦名鵲故玉篇云鵲鵲鵲也劉疾其同名而異類者與

生哺穀

註

鳥子須母食之生鵲雛

註

能自食

正義

此別

異名也。○生哺鰒。說文云鰒鳥子生哺者漢書五行傳註云鳥子新生而哺者曰鰒魯語云鳥翼鰒那文子上德篇云鰒卵不採皆通以鳥子爲鰒史記趙世家云採鰒鰒而食之集解引蔡母遂云鰒鰒子也此順文釋之鰒不專指鰒子也方言云鰒子及雞雛皆謂之鰒史記索隱謂生而受哺者謂之鰒莊子天地篇鰒居而鰒食言其仰物而生也。○生哺雛。鳥之生而自能哺食者謂之雛月令云天子乃以雛嘗黍淮南時則訓註云雛新雛也內則云雛燒孔疏云雛是鳥之小者火中燒之然後調和若今之臠也內則又云雛尾不盈握弗食所以長養庶物也

爰居雜縣

註

國語曰海鳥爰居漢元帝時琅邪有大鳥

如馬駒時人謂之爰居

正義

爰居一名雞縣釋文引李巡云爰居海鳥也樊光云

似鳳凰急就篇謂之乘風**註**國語至爰居。**正義**魯語云海鳥曰爰居止於魯東門之外二日臧文仲使

國人祭之莊子至樂篇云海鳥止於魯郊魯侯御而觴之於廟奏九韶以為樂具太牢以為膳鳥乃眩視憂悲三日而死是因魯祭爰居而相傳為此說也釋文引司馬彪云爰居舉頭高八尺

春鴈鴈鴈夏鴈鴈冬鴈鴈黃棘鴈鴈丹行

鴈喈喈宵鴈嘖嘖註諸鴈皆因其毛色音聲以為名

竊藍青色

正義左氏昭十七年傳云九鴈為九農正正民無淫者也前人釋九鴈者俱引爾雅

前後之文以證之一曰春鴈二曰夏鴈三曰秋鴈四曰冬鴈五日棘鴈六曰行鴈七日宵鴈八曰桑鴈九曰老鴈唐石經重出桑鴈竊脂四字於冬鴈竊黃之下則桑鴈五棘鴈六行鴈七宵鴈八老鴈九今以諸家所引者證之則石經重出桑鴈竊脂四字實為後人所羈入而唐後諸本俱仍其誤也諸家之說可證者左傳疏引賈逵云春鴈分循相五土之宜趣民耕種者也夏鴈竊元趣民耘苗者也秋鴈竊藍趣民收

歛者也冬扈竊黃趣民蓋藏者也棘扈竊丹爲果駟
鳥者也行扈啗晝爲民駟鳥者也宵扈噴晝夜爲
農駟獸者也桑扈竊脂爲蠶駟雀者也老扈鷁鷁趣
民收麥令不得晏起者也是賈逵以春扈至宵扈七
扈相次而益以桑扈老扈爲九扈不以桑扈越居第
五其證一也左傳疏謂舍人註爾雅其言與賈逵同
是舍人本以桑扈居第八文不重見其證二也左傳
疏又引樊光註曰春秋云九扈爲九農正九扈者春
扈夏扈秋扈冬扈棘扈行扈宵扈桑扈老扈以爾雅
上文所云鷁鷁老耆老字下屬唯鷁不重是樊光本
亦以七扈連舉然後及上文之桑扈老扈不重桑扈
竊脂四字其證三也說文云九扈農桑候鳥扈民不
姪者也春扈鷁鷁宵扈噴晝元秋扈竊藍冬扈竊黃棘
扈竊丹行扈啗晝宵扈噴晝桑扈竊脂才扈鷁鷁是
許叔重所見爾雅本先舉七扈始益以桑扈老扈與
賈逵同其證四也蔡邕獨斷說九扈之官云春扈氏
農正趣民耕種夏扈氏農正趣民蓋藏棘扈氏農正
趣民收歛冬扈氏農正趣民蓋藏棘扈氏農正常謂

茅氏一日掌人百果行扈氏農正晝爲民驅鳥宵扈氏農正夜爲民驅獸桑扈氏農正趣民養蠶老扈氏農正趣民收麥蔡氏以桑扈爲趣民養蠶勝於賈逵所說其九扈之次第亦以桑扈老扈列於後其證五也杜預集解云扈有九種春扈鵙鵙夏扈竊元秋扈竊藍冬扈竊黃棘扈竊丹行扈喈喈宵扈噴噴桑扈竊脂老扈鵙鵙以九扈爲九農之號各隨其宜以教民事是杜元凱所据爾雅不以桑扈竊脂列於棘扈之前其證六也孔穎達疏云釋鳥自春扈鵙鵙至宵扈噴噴凡七扈其文相次李巡總釋之云諸扈別春夏秋冬四時之名喈喈噴噴鳥聲貌也郭璞曰諸扈皆因其毛色音聲以爲名竊藍青色釋鳥又云鵙鵙老扈鵙桑扈竊脂是孔氏所見郭氏爾雅本自春扈至宵扈連次七扈而老扈桑扈自在上文未嘗於冬扈竊黃之下複見桑扈竊脂四字其證七也有此七證則四字爲後人羈入而非爾雅元文明矣今刪去

註諸扈至青色。**正義**左傳疏引樊光云鵙鵙言分循也又謂舍人樊光註爾雅其言與賈逵同其意皆

謂以扈爲官還令依此諸扈而動作郭氏不引者以此篇主於釋鳥故辨其毛色音聲不暇追述少俾之官孔疏駁賈逵云趣民耕耘及收歛蓋藏其事皆可召民使聚而總號令之其爲果驅鳥爲蠶驅雀豈得多置官方使之就果樹入蠶室爲民驅之哉又蠶驅鳥夜驅獸不免竟日通宵常在田野薄天之下何以可周且其言不經難可據信也案古制茫昧唐虞以前設官分職自難定其職掌第如孔疏所駁則又不然古者重民衣食果亦民食所資故爾雅以果不熟爲荒而急就篇亦云園菜果蔬助米糧九扈爲農正植果養蠶設官董率於事無不便豈必親就果園躬入蠶室而始稱棘扈桑扈之職哉田家種莠春夏之交晝驅鳥雀夜驅走獸設人伺守至今猶然上古質樸設官以相倡導自可與民相安若如孔疏所言將令農民袖手旁觀而行扈宵扈之官使其竟日通宵馳逐田野有是理乎疆域所限耳目難周無妨隨地設官如漢制鄉置三老嗇夫者古今官制不必其設一官號祇使一人爲之後世守牧令丞則千百人而

同一官號孔疏廼慮及普天之下何以可周是謂九扈之官必祇有九人也無乃失之泥與

鷦鷯戴鵲註鷽即頭上勝今亦呼爲戴勝鷽鷽猶鷽鷽

語聲轉耳

正義禮記疏引李巡云戴勝一名鷽鷽鷽說文作鷽鷽語互

轉也月令云戴勝降于桑鄭註云戴勝織紵之鳥是時恒在桑言降者若時始自天來重之也呂氏春秋作戴任降于桑高誘註云戴任戴勝也爾雅曰鷽鷽即生於桑是月其子彊飛從桑空中來下故曰戴任降于桑也淮南時訓訓作戴鷽降于桑註云鷽戴勝鳥逸周書云戴勝不降桑政教不平註鷽即至轉耳。正義郭註方言云勝所以纏紵所謂頭上勝也今戴勝鳥似山鷽而尾短青色毛冠俱有大飾若菊花勝矣鷽鷽即鷽鷽者方言云自關而東謂之戴鷽東齊海岱之間謂之戴南南猶鷽也或謂之戴頌或謂之戴勝東齊吳揚之間謂之鷽自關而西謂之鷽郭氏或謂之鷽鷽燕之東北朝鮮河水之間謂之鷽郭氏

彼註云此亦語楚聲轉也禮記疏引孫炎云鴈鴈自爾而東謂之戴鵁案方言以鴈鴈即戴鵁故孫炎本以為說郭氏彼註云尸鴈即布穀非戴勝也

鴈澤虞註今鴈澤鳥似水鴈蒼黑色常在澤中見人輒

鳴喚不去有象主守之官因名云俗呼為護田鳥

正義

鴈說文作鴈云澤虞也太平御覽引孫炎云鴈鴈或謂紡澤虞其別名也常在澤中見人報鳴不去有象主守之官因名之案方言云鴈鴈或謂之鴈澤故孫炎引為一鳥郭氏方言註以為別一鳥名則鴈鴈非澤虞也

註

正義

鴈鴈註

即鴈鴈也鴈頭曲如鉤食魚

正義

鴈一名鴈說文云鴈鴈也繫傳

云盧鴈也即鴈鴈文選註引倉頡篇云似鴈而黑上林賦謂之鴈

註

正義

今人謂之鴈鴈

所在有之南人畜以捕魚後漢書註引楊孚異物志云能沒於深水取魚而食之不生卵而孕雛於池澤間既胎生而又吐生多者生八九少生五六相連而出若絲緒焉水鳥而巢高樹之上

鵯鵯其雄鵯牝

註

鵯鵯屬

正義

詩疏引李巡云別雌雄異方之言鵯一名鵯是

鵯爲鵯之別名也其雄者名鵯牝者名鵯鵯風云鵯之奔奔鵯之疆疆釋文引韓詩云奔奔疆疆乘匹之貌鄭箋云奔奔疆疆言其居有常匹飛則相隨之貌因韓詩爲義也左傳及禮記表記呂氏春秋俱作鵯之賁賁鄭註表記以爲爭鬪惡貌高誘以賁賁爲其色不純今鵯馴伏草間極息無定所而雌雄有常匹得粟粒則爭而相鬪毛有班文是鄭高各據所見言之義似相反而實相成也魏風伐檀云不狩不獵胡瞻爾庭有懸鵯兮鵯爲田獵者所資取故莊子徐無鬼云未嘗好田而鵯生于矣今人捕鵯者五更伏草中效其鳴鳴則雄者羣至廼掩而羅之北方養鵯者以足高者爲雄足卑者爲雌烹以爲羹勝於鴈鶩內

則所謂鶉也。**註**鶉鶉屬。**正義**鶉與鶉相似故說文亦云鶉鶉屬也。列子天瑞篇云田鼠之為鶉也而淮南王書則以為蝦蟆為鶉。今人皆以鶉為蝦蟆所化矣。鶉頸細尾禿。韓詩外傳言衣若懸鶉謂衣之無後者也。

鶉沈鳧

註

似鴨而小長尾背上有文今江東亦呼為鶉

正義

鶉一名沈鳧詩疏引某氏曰詩云沈鳧與雁鄭

風女曰雞鳴文也大雅鳧鷖在渚毛傳云鳧水鳥也疏引陸璣疏云大小如鴨青色卑脚短喙水鳥之謹愿者也。**註**似鴨至為鶉。**正義**急就篇云春草雞翹鳧翁濯顏師古注云水中之鳥今所謂水鴨也。翁頸上毛也水鴨善濯故有沈鳧之名矣。

鵙頭鵙

註

似鳧脚近尾略不能行江東謂之魚鵙音饒

箭

正義

鵙一名頭鵙太平御覽引孫炎云鳥鵙也玉

篇云白鵙羣飛尾如雌雉頭鵙為水鳥而不利於

行亦謂之鵲鵲史記賈誼傳云鵲鵲以隱處索隱
 以為鵲魚鵲矣註似鵲至鵲箭。正義張揖子虛賦
 註云鵲鵲頭鳥也是以鵲頭一名鵲也郭不從者以
 西山經云青要山吟水出焉北注河其中有鳥名鵲
 狀如鵲青身赤目赤尾是鵲為鳥名頭鵲其別名也
 又郭註南山經云鵲似鵲而小脚近尾音散箭之散
 與此註
 畧同

鵲鵲寇雉

註

鵲大如鵲似雌雉鼠脚無後指岐尾為鳥

鵲急羣飛出北方沙漠地

正義

鵲一名寇雉下文

名冠雀雉之類也今鵲鵲其色淡黃形似鵲爪似人
 足而有毛壯子逸篇云青鵲愛子忘親司馬彪云專
 愛其子而忘其母也舊唐書謂之突厥雀註鵲大至
 漠地。正義衆經音義引爾雅舊註云今鵲大如鵲
 亦言如鵲似雌雉鼠脚無後指岐尾羣飛出北方沙
 漠地肉美俗名突厥雀生於蒿萊之間與此註詳畧

五異

荏老鷓

註

木兔也似鷓鴣而小兔頭有角毛脚夜飛好

食雞

正義

荏一名老鷓即上文所謂狂茅鷓也說文

雞

正義

王篇云似鷓鴣有角夜

飛食雞

正義

王篇云似鷓鴣有角夜

鷓鴣鳥

註

似雉青身白頭

正義

一名鷓鴣鳥太平御覽

鷓鴣

正義

胡鳥釋文云

鷓鴣本亦作突

狂鷓鳥

註

狂鳥五色有冠見山海經

正義

鷓鴣鳥一名狂

鷓鴣

正義

鷓鴣屬太平御覽引孔融周歲論云儀屯集狂鳥

穢之

註

見山海經

正義

大荒西經云栗廣之野有

五彩之鳥

正義

有冠名曰狂鳥

郭氏

彼註云爾雅

正義

狂夢鳥即此也

郭氏

皇黃鳥註

俗呼黃離留亦名搏黍

正義

詩疏引舍人云皇名黃鳥案詩屢言

黃鳥未聞其名皇也王會篇云方揚以皇鳥殆謂是與郭氏以為即黃離留詳見下文倉庚商庚下

翠鵒註

似燕紺色生鬱林

正義

左傳疏引李巡云鵒一名為翡翠其羽可以為飾樊

光云青羽出交州說文云鵒知天將雨鳥也禮記曰知天文者冠鵒案今禮記無此文顏師古漢書註云鵒大鳥即戰國策所云啄蚌者也天之將雨鵒則知之逸周書云知天文者冠鵒以鵒知天時者也又禮圖衛氏冠鵒左氏僖二十四年傳鄭子臧好聚鵒冠蓋非常用之冠欲以示異故問者惡之也註似燕至鬱林。正義郭註山海經亦云翠似燕而紺色與此同云生鬱林者王會篇云倉吾翡翠說文亦云翡翠羽雀也翠青羽雀也出鬱林是翡翠為南方之鳥故漢時尉佗以翠鳥毛為獻矣張揖上林賦註云翡翠大小亦如雀雄赤曰翡翠雌青曰翠博物志云翡翠黑唯胸前背上翼後有赤毛翠身通青黃唯六翮上

毛長寸餘青其飛則羽鳴翠翡翠然因以為名也
劉逵吳都賦註翡翠巢樹顛生子夷人稍徙下其巢
子大未飛便取之
出交州鬱林郡

鵲山鳥註

似鳥而小赤背穴乳出西方

正義山鳥一名鵲即赤背鳥也

水經註云火山出雛鳥形類雅鳥純黑而紋好音與
之同續采紺發背若丹砂馴良而易附壯童幼子捕
而執之曰赤背
鳥亦曰阿雛鳥

蝙蝠服翼註

齊人呼為蟻蛭或謂之仙鼠

正義蝙蝠一名服翼今所

在有之為物微小而其出有時通卦驗云雨水蝙蝠
出古者以紀時候焉太平御覽引孝經援神契云蝠
蝠服匿故夜食今蝙蝠乘夜而出盤翔室中說苑云
黃鵠白鶴一飛千里使之與燕服翼藏之空廡之下
廬室之間其便未必能過燕飛服翼也蝙蝠有大者
水經註云交州丹水亭下有石穴穴中蝙蝠如鳥

齊人至仙鼠。**正義**方言云蝙蝠自關而東謂之服翼或謂之飛鼠或謂之老鼠或謂之卷鼠自關而西秦隴之間謂之蝙蝠北燕謂之蛾螻案蝙蝠為鼠所化猶未離夫鼠類故兼有鼠名

晨風鷓

註鷓屬詩曰鷓彼晨風

正義詩疏引舍人云晨風一名鷓鷓擊鳥也鷓

為鷓類有生於土窟者故亦謂之土鷓孟子云為叢毳爵者鷓也趙岐云鷓土鷓也詩疏引陸璣疏云鷓似鷓青黃色燕頰句喙嚮風搖翅乃因風飛急疾擊鳩為燕雀食之**註**詩曰至晨風。**正義**秦風晨風文毛傳擊疾飛貌

鷓白鷓

註似鷓尾上白

正義鷓一名白鷓與王雉相似而尾色白古今註云白鷓似鷓

尾上白亦謂之印尾鷓監本誤分楊鳥為二字釋文及唐石經俱作鷓今從之**註**似鷓尾上白。**正義**玉篇作鷓白鷓似雁尾白雁字疑傳寫之訛白鷓為鷓類故廣雅云白鷓鷓也

寇雉汰汰

註

卽鷓鴣也

正義廣異名也詳見上

鷓鴣母

註

似鳥鷓而大黃白雜文鳴如鷓聲今江東呼

爲蚊母俗說此鳥常吐蚊因以名云

正義鷓一名蠹母嶺表錄異云

蚊母鳥形如青鸛嘴大而長於池塘捕魚而食每叫一聲則有蚊蚋飛出其口俗云採其翅爲扇可辟蚊

子亦呼爲吐蚊鳥李肇國史補云江東有吐蚊鳥夏夜吐於蘆荻中湖湘尤甚案此鳥今嶺南有之

鷓須

註

鷓鷓似鳬而小膏中鑿刀

正義鷓一名須臾野鳬也方言

云野鳬其小而好沒水中者南楚之外謂之鷓鷓大者謂之鷓鷓皆所以廣異名

註

鷓鷓至鑿刀

正義

鷓鷓說文作鷓鷓玉篇云鷓鷓水鳥後漢書註引方言而增成其義曰膏可以鑿刀劍與此註同釋文云

鑿本今作鑿

鑿磨鑿也

鼯鼠夷由

註

狀如小狐似蝙蝠肉翅翅尾項脊毛紫赤

色背上蒼艾色腹下黃喙頰雜白脚短爪長尾三尺

許飛且乳亦謂之飛生聲如人呼食火烟能從高赴

下不能從下上高

正義鼯鼠一名夷由卽鸞也說文云鸞鼠形飛走且乳之鳥上林賦

謂之飛鸞郭氏彼註云飛且生一名飛生玉篇鼯作鸞由作鸞

註

狀如至上高

正義

劉達吳都賦註云

鼯大如猿肉翼若蝙蝠其飛善從高集下食火煙聲如人號一名飛生飛生子故也東吳諸郡皆有之唐

書地理志台州

土貢飛生鳥

倉庚商庚

註

卽鷲黃也

正義

夏小正云二月有鳴倉庚

三百篇多言倉庚黃鳥詳其聲狀倉庚爲候鳥故爾風七月云春日載陽有鳴倉庚說文云離黃倉庚也

鳴則蠶生鄭箋亦以倉庚鳴為可蠶之候也其鳴聲和調而國亮故葛覃云其鳴喈喈其毛色陸離而鮮明故東山云州耀其羽其為鳥柔易而近人故凱風云睨睨黃鳥毛傳以睨睨為好貌也其頸端有細毛雜色故小雅云縣緜黃鳥文選註引薛君章句云縣緜文貌也以其為時候之鳥詩人所興詠故爾雅釋之特詳下文云鶯黃楚雀倉庚鶯黃也皆申釋之即鶯黃也○正義郭氏上文黃鳥註云俗呼黃離留亦名搏黍廣其異名也方言云鶯黃自關而東謂之倉庚自關而西謂之鶯黃或謂之黃鳥或謂之楚雀詩疏引陸璣疏云黃鳥黃離留也或謂之黃栗留幽州人謂之黃鶯一名倉庚一名商庚一名鶯黃一名楚雀齊人謂之搏黍當甚熟時來在桑間故里語曰黃栗留看我麥黃甚熟亦是應節趨時之鳥也高誘呂氏春秋註泰人謂之黃離幽冀謂之黃鳥

鳩鋪枝

註

未詳

正義

說文作跌鋪或玉篇云跌鋪或鳥

鷹鵯鳩

註

鵯當為鵯字之誤耳左傳作鵯鵯是也

正義左氏

昭十七年傳云爽鳩氏司寇也杜註云爽鳩鷹也鵯故為司寇案鵯為鵯鳥列於五鳩者鵯化為鵯猶未離其類也故稱鳩焉夏小正云五月鳩為鵯六月鷹始擊始擊而言之何也諱殺之辭也故言擊云月令季夏之月鷹乃學習孟秋之月鷹乃祭鳥鄭註云鷹學習謂搏也鷹祭鳥者將食之示有先也既祭之後不必盡食孔疏云鷹欲食鳥之時先殺鳥而不食與人之祭食相似是則鵯雖習為搏攫而不盡食猶刑戮止及有罪而不濫及故五鳩皆所以為民**註**鵯當至是也○**正義**左傳疏引樊光云來鳩爽鳩也春秋曰爽鳩氏司寇鵯故為司寇是樊本作來郭以鵯為鵯字之誤

鵯鵯比翼

註

說已在上

正義

釋文云衆家本作兼兼李巡云鳥有一目一翅相得乃飛

故曰鵯鵯也
詳見釋地

鷺黃楚雀

註 卽倉庚也

正義 禮記疏引李巡云一名楚雀詳見上

鷺斲木

註 口如錐長數寸常斲樹食蟲因名云

正義 斲木鳥一

名鷺淮南說林訓云斲木愈病以其善啄故能治齒病此類之可推者也高誘時則訓註以倉庚爲斲木今倉庚自爲黃鸝應候而鳴斲木所在山中有之終日啄木中之蠹而非候鳥知高氏爲誤矣**註** 口如至名云○**正義** 此釋其命名之義也羅願云此鳥褐者是雌班者是雄又有青黑者又有如鶴頂者山中人呼爲山啄木

鷺鷥鷺

註 似烏蒼白色

正義 玉篇云鷺一名唐屠鳥似鳥殺成式云鷺色黃一變爲青

鷺青灰色鷺之後乃至屢變橫理轉細臆前後微漸白

鷺諸雉

註 未詳或云卽今雉

正義 說文釋雉有十四種其一曰盧諸雉張揖上林

賦註云鷺

白雉也

鷺春鉏註

白鷺也頭翹背上皆有長翰毛今江東人取

以爲毦權名之曰白鷺綖

正義

鷺一名春鉏其色純潔故詩人以喻潔白之士

周頌云振鷺于飛于彼西雝毛傳鷺白鳥也雝文王之雝

也言文王之時辟雍學士皆潔白之人也又古者以鷺飾鼓隋書樂志云鼓柄翔鷺其上不知何代所加

或曰鷺鼓精也或曰非也詩曰振振鷺于飛鼓咽咽醉言歸古之君子悲周道之衰頌聲之輟飾鼓以

鷺存其風流註頭翹至鷺綖○正義鷺頭翹背上有長翰毛即古人取以爲翹者也陳風宛丘云值其鷺

羽又云值其鷺翹毛傳鷺鳥之羽可以爲翹疏引陸璣云鷺水鳥也好而潔白故謂之白鳥齊魯之間謂

之春鉏遼東樂浪吳揚人皆謂之白鷺青脚高尺七寸尾如鷺尾喙長三寸頭上有毛十數枚長尺餘

麋麋然與衆毛異好欲取魚時則弭之今吳人亦養焉楚威王時有朱鷺合沓飛翔而來舞則復有赤者舊鼓吹朱鷺曲是也孔疏云鳥名白鷺赤者少耳

鵠雉

註

青質五彩鵠雉

註

卽鵠鷄也長尾走且鳴鵠雉

註

黃色鳴自呼鷺雉

註

似山雞而小冠背毛黃腹下

赤項綠色鮮明秩秩海雉

註

如雉而黑在海中山上

鵠山雉

註

長尾者雉雉鵠雉

註

今白鵠也江東呼白

雉亦名白雉雉絕有力奮

註

最健鬬伊洛而南素質

五彩皆備成章曰翬

註

翬亦雉屬言其毛色光鮮江

淮而南青質五彩皆備成章曰鷩

註

卽鷩雉也南方

曰鵠東方曰鵠北方曰鵠西方曰鵠註說四方雉之

名

正義

說卦傳云離爲雉取其文明之象故服飾多

尚之其性耿介稟純陽之質與雷氣通夏小正云

正月雉震鳴也者鳴也震也者鼓其翼也正月必

雷雷不必聞惟雉爲必聞之春官作六摯士執雉取

其守介而死不失節也說文云雉有十四種盧諸雉

喬雉鳴雉驚雉秩秩海雉翟山雉輪雉卓雉伊洛而

南曰翟江淮而南曰搖南方曰鵠東方曰鵠北方曰

稀西方曰鵠此分釋之兼及其絕有力者也。鵠雉

。此卽素質五采皆備成章者也字本作搖又轉作

掄玉藻云夫人掄狄鄭註云掄讀如搖後世作字異

耳。鵠雉。說文云鵠走鳴長尾雉也乘輿以爲防

鉉著馬頭上小雅車輦云有集維鵠疏引陸璣疏云

鵠微小於翟也走而且鳴曰鵠鵠其尾長肉其美故

林麓山下人語曰四足之美有鹿兩足之美有鵠鹿

者似鹿而小是也詩釋文引韓詩云二矛重鵠蓋二

矛皆懸毛羽若後世鷩毛稍矣。鳴雉。黃色之雉

因其自呼者以爲名猶鵠之自呼曰鵠也。鷩雉。說文云鷩赤雉也。左氏昭十七年傳云丹鳥氏司閉者也。疏引樊光云丹雉也。少皞氏以鳥命官丹鳥氏司閉以立秋來以立冬去入水爲蜃。是鷩雉爲侯鳥來去知時故古以命官不徒尚其采色也。至有虞以華蟲作繪華蟲卽鷩雉則取其象之文明。周有鷩冕春官司服所謂享先公饗射則鷩冕又云侯伯之服自鷩冕而下如公之服是也。鄭註謂鷩畫以雉兼取其耿介而有文章矣。釋名云祭服有鷩冕鷩雉之鷩惡者山雉是也。鷩慙也。性急慙不可生服必自殺故畫其形於衣以象人執耿介之節也。案劉成國此說誤耳。繪象以觀德不取其慙惡。鷩雉似山雞非卽山雞也。秩秩海雉。此雉之色黑者因其所在以名之。鶴山雉。說文云翟山雉尾長者左傳疏引樊光云其羽可持而舞詩云右手秉翟案邶風簡兮毛傳云翟羽也。孔疏以爲雉之羽也。翟羽旣可以持舞又刻其形以綴衣。天官內司服掌王后之六服有闕狄鄭註云狄當爲翟釋名云闕翟翦闕翟爲翟雉形

以綴衣也。鄺風俗老云：其之翟也。毛傳云：闕翟羽飾衣也。孫毓謂羽施於旌旗，則可施於衣裳，則否。蓋附人身動則卷舒，非可以羽飾。鄭註內司服謂刻繒爲之形，闕翟刻而不畫，較毛義爲長也。翟又爲染采之總名。染人云：秋染夏鄭註染夏者，染五色謂之夏者。其色以夏翟爲飾。禹貢曰：羽畎夏翟，是其總名。其類有六：曰翟、曰搖、曰鵲、曰翟、曰翟、曰翟。希曰：蹲其毛羽皆備五色成章。染者擬以爲深淺之度，是以放而取名焉。○
輪雉鵲雉。○說文以輪雉鵲雉爲二雉。郭氏則以爲一物而二名，卽白雉也。抱朴子謂白雉有種，南越尤多。○雉絕有力奮。○說文云：奮，翟也。詩曰：不能奮飛。淮南時訓云：鳴鵲奮其羽，高誘註云：奮，迅其羽直刺上飛也。凡鳥之有力者皆能上飛，此言其雉絕有力爲奮，專指其力之健也。○伊洛至曰翟。○左傳疏引李巡云：素質五彩備具，文章鮮明，曰翟。孫炎云：翟，雉白質五采爲文也。玉藻云：王后翟衣。鄭註云：翟，讀如翟。翟名云：翟衣畫翟雉之一。○江淮至曰鵲。○以青色爲質，故翟雉爲五雉之一。

而備五采者爲鷩王后之六服有綸狄鄭註云綸翟
畫搖者釋名云鷩翟畫鷩雉之文於衣也又釋名以
翟爲青質鷩爲素質與爾雅五異。南方至曰鷩。
左傳云五雉爲五工正疏引賈逵云西方曰鷩雉攻
木之工也東方曰鷩雉搏埴之工也南方曰翟雉攻
金之工也北方曰鷩雉攻皮之工也伊洛而南曰翟
雉設五色之工也樊光註爾雅四方之雉配工亦與
賈同案古者利器用正度量以平民故五工正與九
農正並重唐虞之世工垂猶列於九官賈樊所說五
雉之名當屬漢初相傳舊說不可疑其無據也考工
記於五工之外更有刮摩之工則後來所增設耳惟
爾雅作南方曰翟而賈逵作南方曰翟杜預集解與
賈逵同疑所見本異也註卽鷩至且鳴。正義鷩雉
亦謂之鷩雉薛綜西京賦註云雉之健者爲鷩尾長
六尺。似山至鮮明。正義西山經云小華之山鳥
多赤鷩郭氏彼註云赤鷩山雉之屬旬腹洞赤冠金
背黃頸綠尾中有赤毛采鮮明與此註同鷩雉又名
駿驤說文云駿驤鷩也秦漢之初侍中冠駿驤冠郭

氏註子虛賦云鷩鷩似鳳有光彩史記索隱以爲鷩鷩卽山雞顏師古漢書註云鷩鷩似山雞而小冠背毛黃腹下赤項綠色其尾下紅赤光采鮮明今俗呼山雞非也魏都賦又謂之鷩鷩太平御覽引綦母邃云鷩鷩鳥名如山雞是郭以鷩鷩似山雞非卽山雞也。長尾者。**正義**郭註西山經云翟似雉而大長尾博物志云翟雉長毛雨雪惜其尾栖高木杪不敢下食往往餓死。今自至白雉。**正義**南山經云播豕之山多白翰郭氏彼註云白翰白雉也亦名鷩雉又曰白雉又北山經云縣雍之山其鳥多白鷩郭氏云卽白鷩也。翟亦至光鮮。**正義**舊疏引郭註此下多王后之服以爲飾七字檢諸本俱無之未知邢氏所據。說四至之名。**正義**左傳疏引舍人云釋四方之雉名也郭註本舍人

鳥鼠同穴其鳥爲鷩其鼠爲鼯註鼯如人家鼠而短尾

除似鷩而小黃黑色穴入地三四尺鼠在內鳥在外

今在隴西晉陽縣鳥鼠同穴山中孔氏尚書傳云共

為雄雌張氏地理記云不為牝牡

正義西貢云導渭白鳥鼠同穴此釋

其鳥鼠之名也書疏引李巡云餘臆鳥鼠之名共處一穴天性也水經註引鄭康成書註云鳥鼠之山有鳥焉與鼠飛行而處之又止而同穴之山焉是二山鳥名為鴝似鷄而黃黑色鼠如家鼠而短尾穿地而共處鼠內而鳥外**註**穴入至牝牡。**正義**郭云穴入地三四尺者宋書云沙州甘谷嶺有雀鼠同穴或在山嶺或在平地雀色白鼠色黃地生黃紫花草便有雀鼠穴云在隴西首陽縣者漢書地理志隴西首陽縣西南有鳥鼠同穴山山今在甘肅蘭州府渭源縣西又引孔氏尚書傳者郭氏嘗見梅賾所上古文孔傳故引之又引張氏地理記者水經註引張晏云不相為牝牡故以名山即其文也水經註又引杜彥遠云同穴止處養子互相哺食長大乃止

鵲鵲鵲如鵲短尾射之銜矢射人註或說曰鵲鵲鵲

鵲一名鵲羿

正義說文作鵲專畱蹠如誰短尾射之銜矢射人廣韻作鵲鵲註一名鵲羿。

正義釋文云鵲字又作鵲字書云古以爲懈惰字羿古之善射者言此鳥捷勁雖羿之善射亦懈惰不敢射也因以名云郭氏國讚云鵲鵲之鳥一名鵲羿應弦銜矢矢不著地逢蒙縮手養由不脫

鵲鵲鵲其飛也獵

註疎翅上下爲鳥醜其飛也翔註布

翅翔鷹隼醜其飛也聲

註鼓翅聲聲然疾鳧雁醜

其足蹠

註脚指間有幕蹠屬相著其踵企

註飛卽伸

其脚跟企直鳥鵲醜其掌縮

註飛縮脚腹下

正義此別鳥類

飛之異狀也。鵲鵲至也獵。鵲與伯勞之類其飛不能翔欲足相與上下莊子所謂紛紛猗猗進不

敢爲前退不敢爲後也。獵說文作𪔐云歛足也。爲
鳥至也。翔。爲說文作𪔐鳥也。夏官射鳥氏以弓
矢毆鳥。爲鄭註鳥爲喜鈔盜便汗人爲鳥之類其飛
爲翔說文云翔回飛也。高誘淮南註云翼上下曰翔
直刺不動曰翔。鷹隼至也。鴈。秋官翬氏掌攻猛
鳥。鄭註以猛鳥爲鷹隼之屬說文云隼鸞鳥也。詩疏
引陸璣疏云隼鵠屬也。齊人謂之擊征或謂之題肩
或謂之雀鷹。春化爲布穀者是也。鷹隼之類其飛也
鴈。小雅斯干云如鴈斯飛。疏引舍人云謂鷹鵠之屬
鴈。鴈其飛疾羽聲也。說文云鴈大飛也。鴈至踵
企。夏官射鳥氏掌射鳥。鄭註鳥謂中膳羞者。鴈
之屬。鄭風女曰雞鳴云弋鴈與雁。鄭箋云往弋射鴈
雁以待賓客爲燕具。古者以雁爲贄。春秋繁露云雁
乃有類於長者。長者在民上必施然有先後之隨必
淑然有行列之治。故大夫以爲贄。鴈雁之屬其足蹠
者謂其足指有幕肉相連屬也。其踵企者小雅斯干
云如企斯翼。說文云企舉踵也。衆經音義引通俗文
云舉踵曰企。顏師古漢書註云企謂舉足而竦身。

鳥鵲至掌縮。鳥與鵲其飛之勢殊而其掌皆縮。
廣韻引文字音義云鳥鵲翬其飛掌縮在腹下

亢鳥隴

註

隴謂喉隴亢即咽其糲**註**隴者受食之處

別名隴今江東呼糲

正義

此釋鳥咽及鳥齧之名也

高飛也隴隴財可見也樊光云亢星鳥也隴隴亢鳥
之頸也案此風云頤之頤之蓋鳥上飛則見其隴樊

光以亢為星名非也其糲隴者釋言云糲糧也
釋獸齧屬云鳥曰隴郭氏以為咽中裹食處也

鶉子鳩鴛子鶉

註

別鶉鶉鶉之名雉之暮子為鶉**註**晚

生者今呼少雞為鶉

正義

鶉為蝦蟇所化為田鼠

卵生今人於田野間時得鶉卵是也此為別其名鶉
之子名為鶉鴛之子名為鶉也雉之暮子為鶉說文

鶉作雛雉子之晚而生者也淮南時則訓云天
子以雛背黍高誘云春鶉也雞之少者亦名鶉

鳥之雌雄不可別者以翼右掩左雄左掩右雌

正義說文云雄

鳥父也雌鳥母也此釋其形之不可別者也小雅白華云鴛鴦在梁戢其左翼鄭箋云斂左翼者謂右掩左也鳥之雌雄不可別者以翼右掩左雄左掩右雌陰陽相下之義也周禮疏引爾雅云飛曰雌雄走曰化牡蓋爾雅舊註之文急就篇云雌雄化牡相隨趨顏師古云飛曰雌雄走曰化牡詩曰雄狐綏綏書稱化雞無晨亦互言之無所滯也案此篇上文云鴛鴦其雄鴛其化痺已互言之矣

鳥少美長醜為鵒鵒

註鵒鵒猶留離詩所謂留離之子

正義

此卽上文土泉之類也詩釋文引爾雅作少美

而長醜為鵒鵒詩疏引陸璣疏云流離泉也自關而

西謂泉為流離其子適長大還食其母故張奐云鵒

鵒食母許慎云泉不孝鳥是也**註**鵒鵒至之子**正**

義鵒鵒說文作鵒離聲之轉也邶風旄丘云瑣兮尾

兮流離之子毛傳瑣尾少好之貌流離鳥也少好長

醜詩釋文云
流本又作鶴

二足而羽謂之禽四足而毛謂之獸

正義此別禽獸之異也聘禮記云宰

夫始歸乘禽小雅吉日云搏獸于敖皆以毛羽為分
義典云鳥獸毛毳鳥獸毳毛是鳥亦稱毛矣曲禮疏
云語有通別別而言之羽則曰禽毛則曰獸所以然
者禽者擒也言鳥力小可擒捉而取之獸者守也言
其力多不易可擒先須圍守然後乃獲故曰獸也通
而為說鳥亦可曰獸獸亦可曰禽故曲禮鸛鵲不曰
獸而曰猩猩通曰禽也易曰王用三驅失前禽則驅走
者亦曰禽也又周禮司馬職云大獸公之小禽私之
以此而言禽未必皆鳥也又康成註周禮云凡鳥獸
未孕曰禽周禮又云禽作六贊卿羔是禽中亦有羔
也白虎通云禽者鳥獸之總名以其小獸可擒故得
同名禽也案孔疏推言禽獸之通稱是也考工記云
天下之大獸五脂者膏者羸者羽者鱗者是獸之名
所該者廣魯語謂水虞登川禽韋昭注云鼈蜃之屬

是水族亦稱禽也

鷓鴣勞也

註似鷓鴣而大左傳曰伯趙氏

詩疏引李巡云伯勞

一名鷓鴣通作鳩夏小正云五月鷓則鳴鳩者百鷓也
鳴者相命也月令仲夏之月鷓始鳴鄭註鷓搏勞也
通卦驗云小暑伯勞鳴藝文類聚引通卦驗云伯勞
性好單棲其飛攬其鳴嘒嘒夏至應陰而鳴冬至而
止疑連引通卦驗舊註或所見本異也高誘呂氏春
秋註云鷓伯勞也是月陰作於下陽發於上伯勞夏
至後應陰而殺蛇磔之於棘而鳴其上淮南時則訓
註云五月陰極於下搏勞應陰而鳴是鳩之始鳴不
出五月不必定在夏至之日也幽風云七月鳴鳩鄭
箋云幽地晚寒鳥物之候從其氣焉詩疏引陳思王
惡鳥論云伯勞以五月鳴應陰氣而動陽為生仁養
陰為殺殘賊伯勞蓋賊害之鳥也離騷云恐鷓鴣之
先鳴兮使夫百草為之不芳此鳥應陰而鳴陰氣寢
進則草木零落騷人預見其兆矣

註

○

正義釋文引字林云鵲鵲似伯勞而小左氏昭十七年傳云伯趙氏司至者也疏引樊光曰春秋云伯趙氏司至伯趙鵲也以夏至來冬至去又引蔡邕云鵲伯勞也一日伯趙應時而鳴為陰候也

倉庚鵲黃也

註

其色鵲黑而黃因以名云

正義

說文云

雀其色鵲黑而黃詳見上**說**其色至名云○**正義**鵲黃方言作鵲黃郭氏彼註云其色鵲黑而黃因名之

與此同

爾雅正義卷第十八